

四庫全書

子部

欽定四庫全書

子部

黃帝內經素問卷三十二

詳校官太醫院醫士臣趙正池

編修臣倉聖脈覆勘

總校官檢討臣何思鈞

校對官中書臣范 釐

謄錄監生臣萬朝宗

欽定四庫全書

黃帝內經素問卷二十二 唐 王冰 次註

宋 林億等校正

至真要大論篇第七十四

黃帝問曰五氣交合盈虛更作余知之矣六氣分治司

天地者其至何如

五行主歲歲有少多故曰盈虛更作也天元紀大論曰其始也有餘而往

不足隨之不足而往有餘從之則其義也天分六氣散生太虛三之氣司天終之氣監地天地生化是為大紀故言司天地者岐伯再拜對曰明乎哉問也天地之大餘四可知矣

紀人神之通應也

天地變化人神運為中外雖殊然其通應則一也

帝曰願聞

上合昭昭下合冥冥柰何岐伯曰此道之所主工之所

疑也

不知其要流散無窮

帝曰願聞其道也岐伯曰厥陰司天其

化以風

飛揚鼓折和氣發生萬物榮枯皆因而化變成敗也

少陰司天其化以熱

炎蒸鬱燠故

太陰司天其化以濕

雲雨潤澤津液生成

少陽司天

其化以火

炎熾赫烈以燠寒災

陽明司天其化以燥

乾化以行太物無濕敗

陽司天其化以寒

對陽之化也注云對陽之化

新校正云詳

以所臨

藏位命其病者也

肝木位東方心火位南方脾土位西方肺金位西方腎水位北

方是五藏定位然六氣御五運所至氣不相得則病相得則和故先以六氣所臨後言五藏之病也帝曰

地化柰何岐伯曰司天同候間氣皆然

六氣之本自常有性故雖位易

而化治皆同

帝曰間氣何謂岐伯曰司左右者是謂間氣也

六氣分化常以二氣司天地為上下吉凶勝復客主之事歲中悔吝從而明之餘四氣散居左右也故陰陽應象大論曰天地者萬物之上下左右者陰陽之道路此之謂也帝曰何以異之岐伯曰

主歲者紀歲間氣者紀步也

歲三百六十五日四分日之一步六十日餘八十七

刻半也積步之日而成歲也

帝曰善歲主柰何岐伯曰厥陰司天為

風化

巳亥之歲風高氣遠雲飛物揚風之化也

在泉為酸化

寅申之歲木司地氣故物化從

酸司氣為蒼化

木運之氣丁士之歲化蒼青也

間氣為動化

編主六十日餘八十

七刻半也

新校正云詳丑未之歲厥陰為初之氣子午之歲為二之氣辰戌之歲為四之氣卯酉之歲為五

之少陰司天為熱化

子午之歲陽光燭曜暄暑流行熱之化也

在泉為苦化

卯酉之歲火司地氣故物以苦生

不司氣化

君不主運新校正云按天元紀大論云君火以合

相火以位謂君火不主運也

居氣為灼化

六十日餘八十七刻半也居本位君火為居不當間

之也新校正云詳少陰不曰間氣而云居氣者蓋尊君火無所不居不當間之也王注云居本位為居不當

間之則居他位不為居而可間也寅申之歲為初之氣丑未之歲為二之氣巳亥之歲為四之氣辰戌之歲為

五之氣也

太陰司天為濕化

丑未之歲埃鬱暎昧雲雨潤濕之化也

在泉為甘

化辰戌之歲也土司地氣故甘化先也司氣為齡化土運之氣甲巳之歲齡黃也間氣

為柔化

濕化行則庶物柔矣新校正云詳太陰卯酉之歲為初之氣寅申之歲為二之氣子午之歲

為四之氣巳亥之歲為五之氣少陽司天為火化寅申之歲也炎光赫烈燔灼焦然火之化

也在泉為苦化

巳亥之歲也火司地氣故苦化先也

司氣為丹化

火運之氣戊癸

也歲間氣為明化

明炳明也亦謂霞燒也陽辰戌之歲為初之氣卯酉之歲為二

切高明霧露

之氣寅申之歲為四之氣丑未之歲為五之氣

陽明司天為燥化

卯酉之歲清

蕭瑟燥之化也

在泉為辛化

子午之歲也金司地氣故辛化先也

司氣為素化

金運

之氣巳間氣為清化

風生高勁草木清冷清之化也新校正云詳陽明巳亥之歲為初

之氣辰戌之歲為二之氣寅申之歲為四之氣丑未之歲為五之氣太陽司天為寒化

辰戌

之歲嚴肅峻整慄在泉為鹹化丑未之歲水司地氣故化從鹹司氣為

元化

水運之氣丙辛歲也

間氣為藏化

陰凝而冷庶物歛容歲之化也新校正云詳于午

之歲太陽為初之氣巳亥之歲為二之氣卯酉之歲為四之氣寅申之歲為五之氣故治病者

必明六化分治五味五色所生五藏所宜迺可以言盈

虛病生之緒也

學不厭備習也

帝曰厥陰在泉而酸化先余知

之矣風化之行也何如岐伯曰風行于地所謂本也餘

氣同法

厥陰在泉風行于地少陰在泉熱行于地太陰在泉濕行于地少陽在泉火行于地陽明在泉

燥行于地太陽在泉寒行于地故曰本乎天者天之氣

也本乎地者地之氣也

化於天者為天氣化於地者為地氣新校正云按易曰本乎

天者親上本乎地者親下此之謂也

天地合氣六節分而萬物化生矣

萬物

居天地之間悉為六氣所生化陰陽之用未嘗有逃生化出陰陽也

故曰謹候氣宜無失

病機此之謂也

病機下文具矣

帝曰其主病何如

言求藥之歲也

岐伯

曰司歲備物則無遺主矣

謹候司天地所生化者則其味正當其歲也故彼藥工專

司歲氣所收藥物則一歲二歲其所主用無遺略也

缺今詳前字當作則

帝曰先歲物何也

岐伯曰天地之專精也

專精之氣藥物肥膿又於使用當其正氣味也新校正云詳

先歲疑作司歲

帝曰司氣者何如

司運氣也

岐伯曰司氣者主歲同

然有餘不足也

五運主歲者有餘不足比之歲物恐有薄有餘之歲藥專精也

帝曰非

司歲物何謂也岐伯曰散也

非專精則散氣散氣則物不純也

故質同

而異等也

形質雖同力用則異故不尚之

氣味有薄厚性用有躁靜治

保有多少力化有淺深此之謂也

物與歲不同者何以此爾

帝曰歲

主藏害何謂岐伯曰以所不勝命之則其要也

木不勝金金不

勝火之類是也

帝曰治之柰何岐伯曰上淫于下所勝平之外

淫于內所勝治之

淫謂行所不勝已者也上淫于下天之氣也外淫于內地之氣也隨所制

勝而以平治之也制勝謂五味寒熱濕涼隨勝用之下
文備矣新校正云詳天氣生歲雖有淫勝但當平調

之故不曰治而曰平也

帝曰善平氣何如

平謂診平和之氣

歧伯曰謹察

陰陽所在而調之以平為期正者正治反者反治

知陰陽所

在則知尺寸應與不應不知陰陽所在則以得為失以逆為從故謹察之也陰病陽不病陽病陰不病是為正病則正治之謂以寒治熱以熱治寒也陰位已見陽脉陽位又見陰脉是謂反病則反治之謂以寒治寒以熱治熱也諸方之制咸悉不然故曰反者反治也

帝曰夫子言察陰陽所在而調

之論言人迎與寸口相應若引繩小大齊等命曰平

新校

正云詳論言至曰平本靈樞經之文今出甲乙經云寸口主中人迎內外兩者相應俱往俱來若引繩小大齊

等春夏人迎微大秋冬寸口亦大者故名曰平也

陰之所在寸口何如

陰之所

不應引繩齊等其候

岐伯曰視歲南北可知之矣帝曰

願卒聞之岐伯曰北政之歲少陰在泉則寸口不應

木火

金水運面北受氣凡氣之在泉者脉伏不見唯其左右之氣脉可見之在泉之氣善則不見惡者可見病以氣及客主淫勝名之在天之氣其亦然矣厥陰在泉則右不應

少陰在右故

太陰

在泉則左不應

少陰在左故

南政之歲少陰司天則寸口不

應

土運之歲面南行令故少陰司天則二手寸口不應也

厥陰司天則右不應太

陰司天則左不應

亦左右義也

諸不應者反其診則見矣

不應

皆為脉沈脉沈下者仰手而沈
標其手則沈為浮細為大也

帝曰尺候何如岐伯曰

北政之歲三陰在下則寸不應三陰在上則尺不應

司天

曰上在泉曰下

南政之歲三陰在天則寸不應三陰在泉則尺

不應左右同

天不應寸左右悉與寸不應義同

故曰知其要者一言而

終不知其要流散無窮此之謂也

要謂知陰陽所在也知則用之不惑不知

則尺寸之氣浮沈小大常三歲一差欲求其意猶遠樹問枝雖白首區區尚未知所詣況其旬月而可知乎

帝曰善天地之氣內淫而病何如岐伯曰歲厥陰在泉

風淫所勝則地氣不明平野昧草廼早秀民病洒洒振

寒善伸數欠心痛支滿兩脇裏急飲食不下噯咽不通

食則嘔腹脹善噫得後與氣則快然如衰身體皆重

謂甲

寅丙寅戊寅庚寅壬寅甲申丙申戊申庚申壬申歲也氣不明謂天圓之際氣色昏暗風行地上故平野皆然昧謂暗也脅謂兩乳之下及肱外也伸謂以欲伸努筋骨也新校正云按甲乙經酒洒振寒善伸數欠為胃病食則嘔腹脹善噫得後與氣則快然如衰身體皆重為脾病飲食不下噯咽不通邪在胃脘也蓋厥陰在泉之歲木王而尅脾胃故病如是又按脉解云所謂食則嘔者物盛滿而上溢故嘔也所謂得後與氣則快然如衰者十二月陰氣下衰而陽氣且出故曰得後與氣則快然如衰也

歲少陰在泉熱淫所

勝則燭浮川澤陰處反明民病腹中常鳴氣上衝胃喘

不能久立寒熱皮膚痛目瞑齒痛頰腫惡寒發熱如瘧

少腹中痛腹大蟄蟲不藏

乙酉丁卯巳卯辛卯癸卯
謂乙卯丁卯巳卯辛卯癸卯

也陰處北方也不能久立足無力也腹大謂心氣不足也舍火相薄而為是也新校正云按甲乙經齒痛頰

腫為大腸病腹中雷鳴氣當衝胃喘不能久立邪在大腸也蓋少陰在泉之歲火剋金故大腸病也歲太

陰在泉草乃早榮

新校正云詳此四字疑衍

濕淫所勝則埃昏巖谷

黃反見黑至陰之交民病飲積心痛耳聾渾渾惇惇噤

腫喉痺陰病血見少腹痛腫不得小便病衝頭痛目似

脫項似拔腰似折髀不可以回膈如結喘如別

謂甲辰丙辰戊

辰庚辰壬辰甲戌丙戌戊戌庚戌壬戌歲也太陰為上色見應黃於天中而反見於北方黑處也水土同見故曰至陰之交合其氣色也衝頭痛謂腦後眉間痛也腦謂膝後曲脚之中也腦斷後軟肉處也新校正云按甲乙經耳聾渾渾痺痺噤腫喉痺為三焦病為病衝頭痛目似脫項似拔腰似折髀不可以回膈如結腦如別為膀胱足太陽病又少腹腫痛不得小便邪在三焦蓋太陰在泉之歲土正剋太陽故病如是也歲少

陽在泉火淫所勝則燭明郊野寒熱更至民病注泄赤

白少腹痛溺赤甚則血便少陰同候

謂乙巳丁巳巳巳辛巳癸巳乙亥丁

亥巳亥辛亥癸亥歲也處寒之時熱更其氣熱氣既往寒氣後來故云更至也餘候與少陰在泉正同歲

陽明在泉燥淫所勝則霧霧清暝民病喜嘔嘔有苦善

大息心脇痛不能反側甚則噎乾面塵身無膏澤足外

反熱

謂甲子丙子戊子庚子壬子甲午丙午戊午庚午壬午歲也霧謂霧暗不分似霧也清薄寒也言

霧起霧暗不辨物形而溺寒也心脇痛謂心之傍脇中痛也面塵謂面上如有觸冒塵土之色也新校正云

按甲乙經病喜嘔嘔有苦善大息心脅痛不能反側甚則面塵身無膏澤足外反熱為膽病噎乾面塵為肝病蓋陽明在泉之歲金王剋木故病如是又按脉解云少陽所謂心脅痛者言少陽盛也盛者心之所表也九月陽氣盡而陰氣盛故心脅痛所謂不可反側者陰氣藏物也物藏則不動故不可反側也歲太陽在

泉寒淫所勝則凝肅慘慄民病少腹控臑引腰脊上衝

心痛血見噎痛頰腫

謂乙丑丁丑己丑辛丑癸丑乙未丁未己未辛未癸未歲也凝肅謂

寒氣霑空凝而不動萬物靜肅其儀形也慘慄寒甚也
控引也畢陰丸也頤頰車前牙之下也新校正云按
甲乙經噤痛頤腫為小腸病又少腹控引腰脊上衝
心肺邪在小腸也蓋太陽在泉之歲水剋火故病如是

帝曰善治之柰何岐伯曰諸氣在泉風淫於內治以辛

涼佐以苦以甘緩之以辛散之

風性喜溫而惡清故治之涼是以勝氣治之也

佐以苦隨其所利也木苦急則以甘緩之苦抑則以辛散之藏氣法時論曰肝苦急急食甘以緩之肝欲散急食辛以散之此之謂也食亦音飼已曰食他曰飼也大
法正味如此諸為方者不必盡用之但一佐二佐病已
則止餘
熱淫於內治以鹹寒佐以甘苦以酸收之以苦

發之

熱性惡寒故治以寒也熱之大盛甚於表者以苦發之不盡復寒制之寒制不盡復苦發之以酸收

之甚者再方微者一方可使
必已時發時止亦以酸收之
濕淫於內治以苦熱佐以

酸淡以苦燥之以淡泄之

濕與燥反故治以苦熱佐以酸淡也燥除濕故以苦燥其

濕也淡利竅故以淡泄也藏氣法時論曰脾苦濕急食苦以燥之靈樞經曰淡利竅也生氣通天論曰味過

于苦脾氣不濡胃氣乃厚明苦燥也
云按六元正紀大論曰下太陰其化下甘溫
新校正
火淫于內

治以鹹冷佐以苦辛以酸收之以苦發之

火氣大行心腹心怒之所

生也鹹性柔與故以治之以酸收之大法候其須汗者以辛佐之不必要資苦味令其汗也欲柔與者以鹹治之藏氣法時論曰心欲與急食鹹以與之心苦緩急食酸以收之此之謂也
燥淫于內治以

苦溫佐以甘辛以苦下之

溫利涼性故以苦治之下謂利之使不得也
新校正云

按藏氣法時論曰肺苦氣上逆急食苦以泄之用辛寫之酸補之又按下文司天燥淫所勝佐以酸辛此云甘辛者甘字疑當作酸六元正紀大論云下酸熱與苦溫之治又異又云以酸收之而安其下甚則以苦泄之也

寒淫于內治以甘熱佐以苦辛以鹹寫之以辛潤之以

苦堅之

以熱治寒是為摧勝折其氣用令不滋繁也苦辛之佐通事行之新校正云按藏氣法時論

曰腎苦燥急食辛以潤之腎欲堅急食苦以堅之用苦補之鹹寫之舊注引此在濕淫于內之下無義今移於此帝曰善天氣之變何如岐伯曰厥陰司天風淫所勝

則太虛埃昏雲物以擾寒生春氣流水不冰民病胃脘當心而痛上支兩脅鬲咽不通飲食不下舌本強食則

嘔冷泄腹脹澹泄瘕水閉蟄蟲不去病本于脾

謂乙巳巳

已辛巳癸巳乙亥丁亥巳亥辛亥癸亥歲也是歲民病
集於中也風自天行故太虛埃起風動飄蕩故雲物擾
也埃青塵也不分遠物是為埃昏土之為病其善泄利
若病水則小便閉而不下若大泄利則經水亦多閉絕
也 新校正云按甲乙經舌本強食則嘔腹脹澹泄瘕
水閉為脾病又胃病者腹脾脹胃脘當心而痛上支兩
脇隔咽不通食飲不下蓋厥陰 衝陽絕死不治
司天之歲木勝土故病如是也 衝陽絕死不治
足跗上
動脈應手胃之氣也衝陽脈微則食飲減少絕則藥食
不入亦下噎還出也攻之不入養之不生邪氣日強真
氣內絕故其必 少陰司天熱淫所勝怫熱至火行其政
死不可復也

民病胸中煩熱噤乾右胠滿皮膚痛寒熱欬喘大雨且

至唾血血泄飢嘔嘔溺色變甚則瘡瘍肘腫肩背臂

孺及缺盆中痛心痛肺膈腹大滿膨膨而喘欬病本于

肺

謂甲子丙子戊子庚子壬子甲午丙午戊午庚午壬午歲也怫熱至是火行其政乃爾是歲民病集於右

蓋以小腸通心故也病自肺生故曰病本于肺也新

按正云按甲乙經溺色變肩背臂膈及缺盆中痛肺脹

滿膨膨而喘欬為肺病孰與為大腸病蓋少陰司天之

歲火剋金故病如是又王注民病集於右以小腸通心

故按甲乙經小腸附脊左環回腸附脊右尺澤絕死不

環所說不應得非火勝剋金而大腸病歟尺澤絕死不

治尺澤在肘內廉大文中動脈應手肺之氣也火燔於金承火之命金氣內竭故必危亡尺澤不至肺氣已

絕榮衛之氣宣行無主太陰司天濕淫所勝則沈陰且真氣內竭生之何有哉

布雨變枯槁肘腫骨痛陰痺陰痺者按之不得腰脊頭

項痛時眩大便難陰氣不用饑不欲食欬唾則有血心

如懸病本于腎

謂乙丑丁丑巳丑辛丑癸丑乙未丁未巳未辛未癸未歲也沈久也腎氣受邪

水無能治下焦枯涸故大便難也

新校正云按甲乙

經饑不用食欬唾則有血心懸如饑狀為腎病又邪在

腎則骨痛陰痺陰痺者按之而不得腹脹腰痛大便難

肩聳頸項強痛時眩蓋太陰司天之歲上剋水故病如

是太谿絕死不治

太谿在足內踝後跟骨上動脈應手腎之氣也土邪勝水而腎氣內絕邪

甚正微故方

少陽司天火淫所勝則溫氣流行金政不

無所用矣

平民病頭痛發熱惡寒而瘧熱上皮膚痛色變黃赤傳

而為水身面肘腫腹滿仰息泄注赤白瘡瘍欬唾血煩

心胸中熱甚則衄衄病本于肺

謂甲寅丙寅戊寅庚寅
壬寅甲申丙申戊申庚

申壬申歲也火來用事則金氣受邪故曰金政不平也
火炎於上金肺受邪客熱內燭水無能救故化生諸病
也制火之客則已矣新校正云按甲乙經邪在肺則
皮膚痛發寒熱蓋少陽司天之歲火剋金故病如是也

天府絕死不治

天府在肘後彼側上掖下同身寸之三
寸動脈應手肺之氣也火勝而金脈絕

故死

陽明司天燥淫所勝則木迺晚榮草迺晚生筋骨內

變民病左胠脇痛寒清于中感而瘧大涼革候欬腹中

鳴注泄驚澹名木斂生苑于下草焦上首心脅暴痛不

可反側噤乾面塵腰痛丈夫癩疝婦人少腹痛目昧皆

瘍瘡座癰蟄蟲麥見病本于肝

謂乙卯丁卯巳卯辛卯癸卯乙酉丁酉巳酉辛

酉癸酉歲也金勝故草木晚生榮也配於人身則筋骨內應而不用也夫涼之氣變易時候則人寒清發於中內感寒氣則為痠瘡也大腸居右肺氣通之今肺氣內淫肝居于左故左肱脇痛如刺割也其歲民自注泄則無淫勝之疾也大涼次寒也大涼且甚陽氣不行故不容收飲草榮悲晚生氣已升陽不布令故閉積生氣而搖於下也在人之應則少腹之內痛氣居之發疾於仲夏瘡瘍之疾猶及秋中瘡座之類生於上癰腫之患生於下瘡色雖赤中心正白物氣之常也
新校正云按甲乙經腰痛不可以俛仰丈夫癩疝婦人少腹腫甚則噤乾面塵為肝病又胃滿洞泄為肝病又心脇痛不能反側目銳皆痛缺盆中腫痛掖下腫馬刀挾瘰汗出振

寒瘡為膽病蓋陽明司天之歲金剋木故病如是又按
脉解云厥陰所謂癰疽婦人少腹腫者厥陰者辰也三
月陽中之陰邪在中太衝絕死不治太衝在足大指本
節後二寸脉動應
故曰癰疽少腹腫也
手肝之氣也金來伐木肝氣
內絕真不勝邪死其宜也 太陽司天寒淫所勝則寒

氣反至水且冰血變于中發為癰瘍民病厥心痛嘔血
血泄𩑦𩑦善悲時眩仆運火炎烈雨暴廼電胸腹滿手
熱肘攣掖衝心澹澹大動胸脇胃脘不安面赤目黃善

噦嗑乾甚則色炁渴而欲飲病本于心

謂甲辰丙辰戊
辰庚辰壬辰甲

戊丙戊戌戊庚戌壬戌歲也太陽司天寒氣布化故水
且冰而血凝皮膚之間衛氣結聚故為癰也若乘火運

而火熱炎烈與水交戰故暴雨半珠形電也心氣為噫
故善噫是歲民病集於心脅之中也陽氣內鬱濕氣下
蒸故心厥痛而嘔血泄飢衄面赤目黃善噫手熱肘
臂掖腫嗌乾甚則寒氣勝陽水行凌火火氣內鬱故渴
而欲飲也病始心生為陰凌犯故云病本于心也新
拔正云按甲乙經手熱肘臂掖腫甚則胃腸支滿心澹
澹大動面赤目黃為手心主病又邪在心則病心痛
善悲時眩仆蓋太陽司天之歲水剋火故病如是神
門絕死不治神門在手之掌後銳骨之端動脈應手真
心氣也水行乘火而心氣內結神氣已亡
不死何待善知所謂動氣知其藏也所以診視而知死
者何以皆是藏之
經脈動氣知神帝曰善治之柰何謂可攻
治者歧伯曰司天
之氣風淫所勝平以辛涼佐以苦甘以甘緩之以酸寫

之厥陰之氣未為盛熱故曰涼藥平之夫氣之用也積涼為寒積溫為熱以熱少之其則溫也以寒少之其則涼也以溫多之其則熱也以涼多之其則寒也各當其分則寒寒也溫溫也熱熱也涼涼也方書之用可不務乎故寒熱溫涼商降多少善為方者意必精通餘氣皆然從其制也

新校正云按本論上文云上淫于下

所勝平之外淫于內所勝治熱淫所勝平以鹹寒佐以

苦甘以酸收之

熱氣已退時發動者是為心虛氣散不飲以酸收之雖以酸收亦兼寒助乃能

殄除其源本矣熱見太甚則以苦發之汗已便涼是邪氣盡勿寒水之汗已猶熱是邪氣未盡則以酸收之已又熱則復汗之已汗復熱是藏虛也則補其心可矣法則合爾諸治熱者亦未必得再三發三治況四變而反覆者

濕淫所勝平以苦熱佐以酸辛以苦燥之以淡泄

之

濕氣所淫皆為腫滿但除其濕腫滿自衰因濕生病不腫不滿者亦爾治之濕氣在上以苦吐之濕氣在

下以苦泄之以淡滲之則皆燥也泄謂滲泄以利水道下小便為法然酸雖熱亦用利小便去伏水也治濕之

病不下小便非其法也

新校正云按濕淫

濕上甚而

于內佐以酸淡此云酸辛者辛疑當作淡

熱治以苦溫佐以甘辛以汗為故而止

身半以上濕氣餘火氣復鬱鬱

兩相薄則以苦溫甘辛之藥解表流汗而祛之故云以汗為除病之故而已也

火淫所勝平以

酸冷佐以苦甘以酸收之以苦發之以酸復之熱淫同

同熱淫義熱亦如此法以酸復其本燥淫所勝平以苦氣也不復其氣則淫氣空虛招其損

燥淫所勝平以苦

濕佐以酸辛以苦下之

制燥之勝必以苦濕是以火之氣味也宜下必以苦宜補必以

酸宜寫必以辛清甚生寒留而不去則以苦濕下之氣
有餘則以辛寫之諸氣同 新校正云按上文燥淫于

內治以苦溫此云苦濕者濕當為溫文注中濕字
三並當作溫又按六元正紀大論亦作苦小溫 寒淫

所勝平以辛熱佐以甘苦以鹹寫之

淫散止之不可過也 新校正云按

上文寒淫于內治以甘熱佐以苦辛此云平以辛熱佐以甘苦者此文為誤又按六元正紀大論云太陽之政

歲宜苦以燥之也

帝曰善邪氣反勝治之柰何

不能淫勝於他氣反為不勝之

氣為邪以勝之岐伯曰風司于地清反勝之治以酸溫佐以苦

甘以辛平之

厥陰在泉則風司于地謂五寅歲五申歲邪氣勝盛故先以酸寫佐以苦甘邪氣退

則正氣虛故以辛補養而平之熱司于地寒反勝之治以甘熱佐以苦

辛以鹹平之

少陰在泉則熱司于地謂五卯五酉之歲也先寫其邪而後平其正氣也

濕司

于地熱反勝之治以苦冷佐以鹹甘以苦平之

太陰在泉則濕

司于地謂五辰五戌歲也補寫之義餘氣皆同

火司于地寒反勝之治以甘熱

佐以苦辛以鹹平之

少陽在泉則火司于地謂五巳五亥歲也

燥司于地熱

反勝之治以平寒佐以苦甘以酸平之以和為利

陽明在泉

則燥司于地謂五子五午歲也燥之性惡熱亦畏寒故以冷熱和平為方制也

寒司于地熱反

勝之治以鹹冷佐以甘辛以苦平之

太陽在泉則寒司于地謂五丑五未

歲也此六氣方治與前淫勝法殊貫云治者寫客邪之勝氣也云佐者皆所利所宜也云平者補已弱之正氣

也帝曰其司天邪勝何如岐伯曰風化於天清反勝之

治以酸溫佐以甘苦

亥巳歲也

熱化於天寒反勝之治以甘

溫佐以苦酸辛

子午歲也

濕化於天熱反勝之治以苦寒佐

以苦酸

丑未歲也

火化於天寒反勝之治以甘熱佐以苦辛

寅申歲也

燥化於天熱反勝之治以辛寒佐以苦甘

卯酉歲也

寒

化於天熱反勝之治以鹹冷佐以苦辛

辰戌歲也

帝曰六氣

相勝奈何

先舉其用為勝

岐伯曰厥陰之勝耳鳴頭眩憤憤欲

吐胃滿如寒大風數舉倮蟲不滋肱脇氣并化而為熱

小便黃赤胃脘當心而痛上支兩脇腸鳴飧泄少腹痛

注下赤白甚則嘔吐噎咽不通

五巳五亥歲也心下齊上胃之分胃噎謂胃脘

之上及大噎之下風寒氣生也氣并謂偏著一邊噎謂食飲入而復出也新校正云按甲乙經胃病者胃

脘當心而痛上支兩脇噎咽不通也少陰之勝心下熱善饑齊下反動氣

遊三焦炎暑至木廼津草廼萎嘔逆躁煩腹滿痛溇泄

傳為赤沃

五子五年歲也沃洙也

太陰之勝火氣內鬱瘡瘍於中

流散於外病在肱脇甚則心痛熱格頭痛喉痺項強獨

勝則濕氣內鬱寒迫下焦痛留頂互引眉間胃滿雨數

至燥化廼見少腹滿腰腫重強內不便善注泄足下溫

頭重足脛肘腫飲發於中肘腫於上

五丑五未歲也濕勝於上則火氣內

鬱勝於中則寒迫下焦水溢河渠則鱗蟲離水也腫謂

腎肉也不便謂腰重內強直屈伸不利也獨勝謂不兼

鬱火也肘腫於上謂首面也足脛腫是火鬱所生也

新校正云詳注云水溢河渠則鱗蟲離水也王作此注

於經文無所解又按太陰之復云大雨時行鱗見於陸

則此丈於雨數至下脫少鱗見於陸四字不然則王注

無因為少陽之勝熱客於胃煩心心痛目赤欲嘔嘔酸

善饑耳痛溺赤善噉譫妄暴熱消燂草萎水涸介蟲廼

屈少腹痛下沃赤白

五寅五申歲也熱暴甚故草萎水涸陰氣消燂介蟲金化也火氣大

勝故介蟲屈伏酸醋水也陽明之勝清發於中左脇痛溲泄內為

嗑塞外發癰疽大涼肅殺華英改容毛蟲廼殃胸中不

便嗑塞而欬

五卯五酉歲也大涼肅殺金氣勝木故草木華英為殺氣損削改易形容而焦其上

首也毛蟲木化氣不宜金故金政大行而毛蟲死耗也肝木之氣下主於陰故大涼行而癰疽發也胃中不便謂呼吸回轉或痛或緩急而不利便也氣太盛故嗑塞而欬也嗑謂喉之下接連胸中肺兩葉之間者也太

陽之勝凝凜且至非時水冰羽廼後化痔瘡發寒厥入

胃則內主心痛陰中廼瘍隱曲不利互引陰股筋肉拘

苛血脉凝泣絡滿色變或為血泄皮膚舌腫腹滿食減

熱反上行頭項白頂腦戶中痛目如脫寒入下焦傳為

濡寫

五辰五戌歲也寒氣凌逼陽不勝之故非寒時而止水冰結也水氣大勝陽火不行故諸羽蟲生化

而後也拘急也苛重也絡絡脉也太陽之氣標在於巔故熱反上行於頭也以其脉起於目內背上交巔上入絡腦還出別下項故白頂及腦戶中痛目如欲脫也濡謂水利也新校正云按甲乙經痔瘡頭項白頂腦戶中痛目如脫

為太陽經病

帝曰治之柰何岐伯曰厥陰之勝治以

甘清佐以苦辛以酸寫之少陰之勝治以辛寒佐以苦

鹹以甘寫之太陰之勝治以鹹熱佐以辛甘以苦寫之

少陽之勝治以辛寒佐以甘鹹以甘寫之陽明之勝治

以酸溫佐以辛甘以苦泄之太陽之勝治以甘熱佐以

辛酸以鹹寫之

六勝之至皆先歸其不勝已者之故不勝者當先寫之以通其道次寫所吐之

氣令其退釋也

新校正云詳此為治皆先寫其不勝而後

寫其來勝獨太陽之勝治以甘熱為異疑甘字苦之誤也若云治以苦熱則之勝之治皆一貫也

帝曰

六氣之復何如

復謂報復報其勝也凡先不勝後必有復新校正云按元珠云六氣分正化

對化厥陰正司於亥對化於巳少陰正司於午對化於子太陰正司於未對化於丑少陽正司於寅對化於卯陽明正司於酉對化於卯太陽正司於戌對化於辰正司化令之實對司化令之虛對化勝而有復正化勝而不復此注云凡先有岐伯曰悉乎哉問也厥陰之復少勝後必有復似未然

腹堅滿裏急暴痛偃木飛沙倮蟲不榮厥心痛汗發嘔

吐飲食不入而復出筋骨掉眩清厥甚則入脾食痺

而吐

裏腹脇之內也木偃沙飛風之大也風為木勝故土不榮氣厥謂氣衝胃脇而凌及心也胃受逆氣

而上攻心痛也痛甚則汗發泄掉謂肉中動也清厥手足冷也食痺謂食已心下痛陰陰然不可名也不可忍也吐出乃止此謂胃氣逆而不下流也食

飲不入入而復出肝乘脾胃故令爾也衝陽絕死不

治

衝陽胃脈氣也

少陰之復燠熱內作煩躁欬噎少腹絞痛火

見燔燔噤燥分注時止氣動於左上行於右欬皮膚痛

暴瘖心痛鬱冒不知人廼洒淅惡寒振慄譫妄寒已而

熱渴而欲飲少氣骨痿膈腸不便外為浮腫噦噫赤氣

後化流水不冰熱氣大行介蟲不復病癰胗瘡瘍癰疽

瘰癧甚則入肺欬而鼻淵

火熱之氣自小腸從齊下之左入大腸上行至左脇甚則

上行於右而入肺故動於左上行於右皮膚痛也分注謂大小俱下也骨痿言骨弱而無力也膈腸謂腸如腸絕而不便也寫也寒熱甚則然陽明先勝故赤氣後化流水不冰少陰之本司於地也在人之應則冬脉不凝若高山窮谷已足至高之處水亦當冰平下川流則如經矣火氣內蒸金氣外拒陽熱內鬱故為癰胗瘡瘍癰甚亦為瘡也熱少則外生癰胗熱多則內結癰瘰瘰有熱則中外為瘰其復熱之變皆病於身後及外側也瘡瘍癰胗生於上癰疽瘰癧生於下反其處者皆為逆也

天府絕死不治

天府肺脉氣也新

校正云按上文少陰司天熱淫所勝尺澤絕死不治少陽司天火淫所勝天府絕死不治此云少陰之復天府絕死不治下文少陽之復尺澤絕死不治文如相反者蓋尺澤天府俱手太陰脉之所發動故此互文也太

陰之復濕變廼舉體重中滿食飲不化陰氣上厥胃中

不便飲發於中欬喘有聲大雨時行鱗見於陸頭頂痛

重而掉瘰尤甚嘔而密默唾吐清液甚則入腎竅寫無

度

濕氣內逆寒氣不行太陽上流故為是病頭頂痛重則腦中掉瘰尤甚腸胃寒濕熱無所行重灼胃府故

胃中不便食飲不化嘔而密默欲靜定也喉中惡冷故唾吐冷水也寒氣易位上入肺喉則息道不利故欬喘而喉中有聲也水居平澤則魚遊於市頭頂白痛女人亦兼痛於眉間也新校正云按上文太陰在泉頭痛

頂似拔又太陰司天云頭項痛此云頭項痛項疑當作項太谿絕死不治

太谿腎脉氣也少

陽之復大熱將至枯燥燔熱介蟲廼耗驚癰欬衄心熱煩躁便數憎風厥氣上行面如浮埃目乃睵癰火氣內發上為口糜嘔逆血溢血泄發而為瘡惡寒鼓慄寒極反熱噤絡焦槁渴引水漿色變黃赤少氣脉萎化而為

水傳為胛腫甚則入肺欬而血泄

火氣專暴枯燥草木燔燭自生故燔熱也

熱音燭火內熾故驚癰欬衄心熱煩躁便數憎風也火炎於上則庶物失色故如塵埃浮於面而目睵動也火燔於內則口古糜爛嘔逆及為血溢血泄風火相薄則為溫瘧氣蒸熱化則為水病傳為胛腫胛謂皮肉俱腫

按之陷下泥而不起也如是之證皆火氣所生也

尺澤絕死不治

尺澤肺脉氣也

陽明

之復清氣大舉森木蒼乾毛蟲廼厲病生肱脇氣歸於

左善太息甚則心痛否滿腹脹而泄嘔苦欬噦煩心病

在鬲中頭痛甚則入肝驚駭筋攣

殺氣大舉木不勝之故蒼清之葉不及黃

而乾燥也厲謂疵厲疾疫死也清甚於內熱鬱於外故也

太衝絕死不治

太衝肝脉氣也

太

陽之復厥氣上行水凝雨冰羽蟲廼死心胃生寒胃鬲

不利心痛否滿頭痛善悲時眩仆食減腰脰反痛屈伸

不便地裂冰堅陽光不治少腹控臑引腰脊上衝心唾

出清水及為噦噫甚則入心善忘善悲

雨水謂電也寒而遇電死亦其

宜寒化於地其上復土故地體分裂水積冰堅久而不釋是陽光之氣不治寒凝之物也太陽之復與不相持上濕下寒火無所往心氣內鬱熱由是生火熱內燔故生斯病

新校正云詳注云與不相持不字疑作上

神門絕死不治

神門真心脉氣

帝曰善治之柰何

復氣倍勝故先問以治之

岐伯曰厥陰之復治以酸寒佐以甘辛以酸寫之以甘

緩之

不太緩之夏猶不已復重於勝故治以辛寒也

新校正云按別本治以酸寒作治以辛寒也

陰之復治以鹹寒佐以苦辛以甘寫之以酸收之辛苦

發之以鹹栗之

不大發汗以寒攻之持至仲秋熱內伏結而為心熱少氣少力而不能起矣熱

伏不散歸於骨矣

太陰之復治以苦熱佐以酸辛以苦寫之燥

之泄之

不燥泄之久而為身腫腹滿關節不利喘及伏兔拂滿內作膝腰脛內側胛腫病

少陽

之復治以鹹冷佐以苦辛以鹹熨之以酸收之辛苦發

之發不遠熱無犯溫涼少陰同法

不發汗以奪盛陽則熱內淫於四支而為

解你不可名也謂熱不甚謂寒不甚謂強不甚謂弱不甚不可以名言故謂之解你粗醫呼為鬼氣惡病也久不已則骨熱髓涸齒乾乃為骨熱病也發汗奪陽故無留熱故發汗者雖熱生病夏月及差亦用熱藥以發之當春秋時縱火熱勝亦不得以熱藥發汗汗不發而藥熱內甚助病為瘧逆伐神靈故曰無犯溫涼少陰氣熱為瘧則同故云與少陰同法也數奪其汗則津竭潤故以酸收以鹹潤也
新校正云按六元正紀大論云

發表不
速熱

陽明之復治以辛溫佐以苦甘以苦泄之以苦

下之以酸補之

泄謂滲泄汗及小便湯浴皆是也秋分前後則亦發之春有勝則休勝法或不

已亦湯漬和其中外也怒復之後其氣皆虛故補之以安全其氣餘復治同

太陽之復治以

鹹熱佐以甘辛以苦堅之

不堅則寒氣內變止而復發發而復止綿歷年歲生大寒

疾治諸勝復寒者熱之熱者寒之溫者清之清者溫之

散者收之抑者散之燥者潤之急者緩之堅者更之脆

者堅之衰者補之強者寫之各安其氣必清必靜則病

氣衰去歸其所宗此治之大體也

太陽氣寒少陰少陽氣熱厥陰氣溫陽明

氣清太陰氣濕有勝復則各倍其氣以調之故可使平也宗屬也調不失理則餘之氣自歸其所屬少之氣自安其所居勝復衰已則各補養而平定之必清必靜無妄撓之則六氣循環五神安泰若運氣之寒熱治之平之亦各歸司

帝曰善氣之上下何謂也岐伯曰身半以

天地氣也

上其氣三矣天之分也天氣主之身半以下其氣三矣

地之分也地氣主之以名命氣以氣命處而言其病半

所謂天樞也

身之半正謂齊中也或以腰為身半是以居中為義過天中也中原之人悉如此矣

當伸臂指天舒足指地以繩量之中正當齊也故又曰半所謂天樞也天樞正當齊兩傍同身寸之二寸也其氣三者假如少陰司天則上有熱中有太陽無之三也六氣皆然司天者其氣三司地者其氣三故身半以上

三氣身半以下三氣也以名言其氣以氣言其處以氣處寒熱而言其病之形證也則如足厥陰氣居足及股脛之內側上行于少腹循脅足陽明氣在足之上斷之外股之前上行腹齊之傍循胃乳上面足太陽氣起于目上額絡頭下項背過腰橫過髀樞股後下行入脰貫臑出外踝之後足小指外側足太陰氣循足及股脛之內側上行腹脇之前足少陰同之足少陽氣循脾外側上行腹脇之側循頰耳至目銳皆在首之側此足六氣之部主也手厥陰少陰太陰氣從心胃橫出循臂內側至中指小指大指之端手陽明少陽太陽氣並起手表循臂外側上肩及甲上頭此手六氣之部主也欲知病診當隨氣所在以言之當陰之分冷病歸之當陽之分熱病歸之故勝復之作先言病生寒熱者必依此物理也新校正云按六微旨大論云天樞之上天氣主之天樞之下地氣主之氣故上勝而下俱病者以地名之交之分人氣從之也

下勝而上俱病者以天名之

彼氣既勝此未能復抑鬱不暢而無所行進則困于

讐嫌退則窮于怫塞故上勝至則下與俱病下勝至則上與俱病上勝下病地氣鬱也故從地鬱以名地病下

勝上病天氣塞也故從天塞以名天病夫以天名者方順天氣為制逆地氣而攻之以地名者方從天氣為制

則可假如陽明司天少陰在泉上勝而下俱病者是怫于下而生也天氣正勝天可逆之故順天之氣方同清

也少陰等司天上下勝同法新校正云按六元正紀大論云上勝則天氣降而下下勝則地氣遷而上此之

謂也所謂勝至報氣屈伏而未發也復至則不以天地異

名皆如復氣為法也

勝至未復而病生以天地異名為式復氣以發則所生無問上勝下

勝悉皆依復氣為病寒熱之主也

帝曰勝復之動時有常乎氣有必乎

岐伯曰時有常位而氣無必也

雖位有常而發動有無不
必定之也

帝曰

願聞其道也岐伯曰初氣終三氣天氣主之勝之常也

四氣盡終氣地氣主之復之常也有勝則復無勝則否

帝曰善復已而勝何如岐伯曰勝至則復無常數也衰

迺止耳

勝微則復微故復已而又勝勝甚則復甚故復已則少有再勝者也假有勝者亦隨微甚而復

之爾然勝復之道雖無常數至其衰謝則勝復皆自止也

復已而勝不復則害此傷

生也

有勝無復是復氣已衰衰不能復是天真之氣已傷敗甚而生意盡

帝曰復而反病

何也岐伯曰居非其位不相得也大復其勝則主勝之

故反病也

捨已宮觀適于他邦已力已衰主不相得怨隨其後唯便是求故力極而復主反襲之反

自病也所謂火燥熱也

少陽火也陽明燥也少陰熱也少陰

天為金居火位金復其勝則火主勝之火復其勝則水主勝之餘氣勝復則無主勝之病氣也故又曰所謂火

燥熱也

帝曰治之何如岐伯曰夫氣之勝也微者隨之甚

者制之氣之復也和者平之暴者奪之皆隨勝氣安其

屈伏無問其數以平為期此其道也

隨謂隨之安謂順勝氣以和之也制

謂制止平謂平調奪謂奪其盛氣也治此者不以數之多少但以氣平和為準度爾帝曰善客主

之勝復奈何

客謂天之六氣主謂五行之位也氣有宜否故各有勝復之者岐伯曰客

主之氣勝而無復也

客主自有多少以
其為勝與常勝殊

帝曰其逆從何

如岐伯曰主勝逆客勝從天之道也

客承天命部統其
方主為之下固宜

祇奉天命不順而勝則天命不行故為逆
也客勝於主承天而行理之道故為順也

帝曰其生病

何如岐伯曰厥陰司天客勝則耳鳴掉眩甚則欬主勝

則胃脘痛舌難以言

五巳五
亥歲也

少陰司天客勝則鼽嚏頸

項強肩背脊熱頭痛少氣發熱耳聾目暝甚則肘腫血

溢瘡瘍欬喘主勝則心熱煩躁甚則脇痛支滿

五子五
午歲也

太陰司天客勝則首面肘腫呼吸氣喘主勝則胃腹滿

食已而噎

五丑五未歲也

少陽司天客勝則丹胗外發及為丹

燥瘡瘍嘔逆喉痺頭痛噤腫耳聾血溢內為癰癰主勝

則胃滿欬仰息甚而有血手熱

五寅五申歲也

陽明司天清復

內餘則欬衄噤塞心胃中熱欬不止而白血出者死

復謂

復舊居也白血謂欬出淺紅色血似肉似肺者五卯五酉歲也新校正云詳此不言客勝主勝者以金居火

位無客勝之理故不言也太陽司天客勝則胃中不利出清涕感寒

則欬主勝則喉噤中鳴

五辰五戌歲也

厥陰在泉客勝則大關

節不利內為痙強拘攣外為不便主勝則筋骨繇併腰

腹時痛

五寅五申歲也大關節腰膝也

少陰在泉客勝則腰痛尻股膝

髀腠斷足病脅熱以酸肘腫不能久立溲便變主勝則

厥氣上行心痛發熱口中衆痺皆作發於肱脇魄汗不

藏四逆而起

五卯五酉歲也

太陰在泉客勝則足痿下重便溲

不時濕客下焦發而濡寫及為腫隱曲之疾主勝則寒

氣逆滿食飲不下甚則為疝

五辰五戌歲也隱曲之疾謂隱為委曲之處病也

少陽在泉客勝則腰腹痛而反惡寒甚則下白溺白主

勝則熱反上行而客於心心心痛發熱格中而嘔少陰同

候

五已五亥歲也

陽明在泉客勝則清氣動下少腹堅滿而數

便寫主勝則腰重腹痛少腹生寒下為鶩溏則寒厥於

腸上衝胃中甚則喘不能久立

五子五午歲也鶩鴨也言如鴨之後也

太

陽在泉寒復內餘則腰尻痛屈伸不利股脛足膝中痛

五丑五未歲也

新校正云詳此不言客主勝者蓋太陽以水居水位故不言也

帝曰善治之

柰何岐伯曰高者抑之下者舉之有餘折之不足補之

佐以所利和以所宜必安其主客適其寒溫同者逆之

異者從之

高者抑之制其勝也下者舉之濟其弱也有餘折之屈其銳也不足補之全其氣也雖二

勝扶弱而客主須安一氣失所則矛盾更作榛棘互興
各伺其便不相得志內淫外併而危敗之由作矣同謂
寒熱溫清氣相比和者異謂水火金木土不比和者氣
相得者則逆所勝之氣以治之不相得者則順所不勝
氣亦治之治火勝負欲益者以其味欲寫者亦以其味
勝與不勝皆折其氣也何者以其性躁動也治熱亦然

帝曰治寒以熱治熱以寒氣相得者逆之不相得者從

之余以知之矣其於正味何如岐伯曰木位之主其寫

以酸其補以辛

木位春分前十
一日初之氣也

火位之主其寫以甘

其補以鹹

君火之位春分之後六十一日二之氣也相
火之位夏至前後各三十日三之氣也二火

之氣則殊然其
氣用則一矣

土位之主其寫以苦其補以甘

土之位
秋分前

六十一日金位之主其寫以辛其補以酸金之位秋分後六十一日

五之氣也水位之主其寫以鹹其補以苦水之位冬至前後各三十日終之氣

也厥陰之客以辛補之以酸寫之以甘緩之少陰之客

以鹹補之以甘寫之以鹹收之新校正云按藏氣法時論云心苦緩急食酸以

收之心欲粟急食鹹以粟此云以鹹收之者誤也太陰之客以甘補之以苦寫

之以甘緩之少陽之客以鹹補之以甘寫之以鹹與之

陽明之客以酸補之以辛寫之以苦泄之太陽之客以

苦補之以鹹寫之以苦堅之以辛潤之開發腠理致津

液通氣也

客之部主各六十一日居無常所隨歲遷移客勝則寫客而補主主勝則寫主而補客應

隨當緩當急以治之

帝曰善願聞陰陽之三也何謂歧伯曰氣有

多少異用也

太陰為正陰太陽為正陽次少者為少陰次少者為少陽又次為陽明又次為厥陰

厥陰為盡義具靈樞繫日月論中紀大論云何謂氣有多少鬼吏區曰陰陽之氣各有

少故曰三陰三陽也

帝曰陽明何謂也歧伯曰兩陽合明也

靈樞繫日

月論曰辰者三月主左足之陽明巳者四月主右足之陽明兩陽合于前故曰陽明也

帝曰厥陰

何也歧伯曰兩陰交盡也

靈樞繫日月論曰戌者九月主右足之厥陰亥者十月主

左足之厥陰兩陰交盡故曰厥陰也

帝曰氣有多少病有盛衰

新校正云按天元紀

大論曰形有盛衰

治有緩急方有大小願聞其約柰何岐伯曰

氣有高下病有遠近證有中外治有輕重適其至所為

故也

藏位有高下府氣有遠近病證有表裏藥用有輕重調其多少和其緊慢令藥氣至病所為故勿太

過與不及也

大要曰君一臣二奇之制也君二臣四偶之制

也君二臣三奇之制也君二臣六偶之制也

奇謂古之單方偶謂

古之複方也單複一制皆有大小故奇方云君一臣二君二臣三偶方云君二臣四君二臣六也病有大小氣有遠近治有輕重故曰近者奇之遠者偶之汗者不以所宜故云之制也

奇下者不以偶補上治上制以緩補下治下制以急急

則氣味厚緩則氣味薄適其至所此之謂也

汗藥不以偶方氣不

足以外發泄下藥不以奇制藥毒攻而致過治上補上
方迅急則止不住而迫下治下補下方緩慢則滋道路
而力又微制急方而氣味薄則力與緩等制緩方而氣
味厚則勢與急同如是為緩不能緩急不能急厚而不
厚薄而不薄則大小非制輕重無度則虛實寒熱藏府
紛撓無由致理豈神靈而可望安哉

病所遠

而中道氣味之者食而過之無越其制度也

假如病在腎而心之

氣味飼而冷足仍急過之不飼以氣味
腎藥凌心心復益衰餘上下遠近例同

是故平氣之道

近而奇偶制小其服也遠而奇偶制大其服也大則數

少小則數多多則九之少則二之

湯丸多少凡如此也遠近謂府藏之位也

心肺為近腎肝為遠脾胃居中三陽胞膽亦有遠近身三分之上為近下為遠也或識見高遠權以合宜方奇而分兩偶方偶而分兩奇如是者近而偶制多數服之遠而奇制少數服之則肺服九心服七脾服五肝服三腎服二為常制矣故曰小則數多大則數少新校正云詳注云三陽胞膽膽一本作三腸胞膽再詳三陽無義三腸亦未為得腸有大小并膽膽為奇之不去三今已云胞膽則不得云三腸三當作二

則偶之是謂重方偶之不去則反佐以取之所謂寒熱

溫涼反從其病也

方與其重也寧輕與其毒也寧善與其大也寧小是以奇方不去偶方主

之偶方病在則反一佐以同病之氣而取之也夫熱與寒背寒與熱違微小之熱為寒所折微小之冷為熱所消甚大寒熱則必能與違性者爭雄能與異氣者相格聲不同不相應氣不同不相合如是則且憚而不敢攻

之攻之則病氣與聲氣抗行而自為寒熱以開閉固守
矣是以聖人反其佐以同其氣令聲氣應合復令寒熱
參合使其終異始同燥潤而
敗堅剛必折柔脆自消爾 帝曰善病生於本余知之

矣生於標者治之柰何岐伯曰病反其本得標之病治

反其本得標之方

言少陰太陽之二氣餘四氣標本同

帝曰善六氣之勝

何以候之岐伯曰乘其至也清氣大來燥之勝也風木

受邪肝病生焉

流于膽也

熱氣大來火之勝也金燥受邪肺

病生焉

流于迴腸大腸按甲乙經迴腸即大腸

新校正云詳注云

寒氣大來

水之勝也火熱受邪心病生焉

流于三焦小腸

濕氣大來土之

勝也寒水受邪腎病生焉

流于膀胱

風氣大來木之勝也土

濕受邪脾病生焉

流于胃

所謂感邪而生病也

外有其氣而內惡之

中外不喜因而遂病是謂感也

乘年之虛則邪甚也

年木不足外有清邪年火不足外有

寒邪年土不足外有風邪年金不足外有熱邪年水不足外有濕邪是年之虛也歲氣不足外有邪湊甚

失

時之和亦邪甚也

六氣臨統與位氣相剋感之而病亦隨所不勝而與內藏相應邪復甚也

遇月之空亦邪甚也

謂上弦前下弦後月輪中空也

重感於邪則病危

矣

年已不足邪氣大至是一感也年已不足天氣剋之此時感邪是重感也內氣召邪天氣不祐病不危可

乎

有勝之氣其必來復也

天地之氣不能相無故有勝之氣其必來復也帝曰

其脉至何如岐伯曰厥陰之至其脉弦

要虛而滑端直以長是謂弦實

而強則病不實而微亦病不端直長亦病不當其位亦病位不能弦亦病

少陰之至其脉鉤

來盛去衰如偃帶鉤是謂鉤來不盛去反盛則病來盛去盛亦病來不盛去不盛亦病不偃帶鉤亦病不當其

位亦病位不能鉤亦病

太陰之至其脉沈

沈下也按之乃得下諸位脉也沈甚則病不沈

亦病不當其位亦病位不能沈亦病

少陽之至大而浮

浮高也大謂稍大諸位脉也大浮甚

則病浮而不大亦病大而不浮亦病不大亦病不當其位亦病位不能大浮亦病

陽明之至

短而濇

往來不利是謂濇也往來不遠是謂短也短甚則病濇甚則病不濇亦病不當其位亦病

位不能短濇亦病

太陽之至大而長

往來遠是謂長大甚則病長甚則病長而不大亦病

大而不長亦病不當其位 **至而和則平** 去太甚則為平調不弱不强是

亦病位不能長大亦病 **至而和則平** 去太甚則為平調不弱不强是

為和 **至而甚則病** 弦似張弓弦滑如連珠沈而附骨浮高干皮濇而止住短如麻黍大如帽

謂長如引繩皆 **至而反者病** 應弦反濇應太反細應沈反浮應浮反沈應短濇反

長滑應更虛反强實應細反大是皆 **至而不至者病** 氣為氣反常平之候有病乃如此見也

已至而脉 **未至而至者病** 按歷占之凡得節氣當年六氣不應也

改易而應之氣序未移而脉 **陰陽易者危** 不應天常氣先變易是先天而至故病

恒位更易見之陰位見陽脉陽位見陰脉是易位而見也二氣之亂故氣危 新校正云按六微旨大論云帝曰其有至而至有至而不至有至而太過何也岐伯曰至而至者和至而不至來氣不及也未至而至來氣有

餘也帝曰至而不至未至而至何如歧伯曰應則順否則逆逆則變生變生則病帝曰請言其應歧伯曰物生其應也氣脉其應也謂脉應即此脉應也所帝曰六氣標本所從不同奈何

歧伯曰氣有從本者有從標本者有不從標本者也帝

曰願卒聞之歧伯曰少陽太陰從本少陰太陽從本從

標陽明厥陰不從標本從乎中也

少陽之本火太陰之本濕本末同故從本

也少陰之本熱其標陰太陽之本寒其標陽本末異故從本從標陽明之中太陰厥陰之中少陽本末與中本同故不從標本從乎中也從本從故從本者化生於本

從標本者有標本之化從中者以中氣為化也

化謂氣化之元

主也有病以元主氣用寒熱治之
新校正云按六微旨大論云少陽之上火氣治之中見陽明厥陰之上燥氣治之中見太陰太陽之上寒氣治之中見少陰厥陰之上風氣治之中見少陽少陰之上熱氣治之中見太陽太陰之上濕氣治之中見陽明所謂本也本之下中之見也見之下氣之標也本標不向氣應異象此之謂

也

帝曰脈從而病反者其診何如岐伯曰脈至而從按

之不鼓諸陽皆然

言病熱而脈數按之不動乃寒盛格陽而致之非熱也

帝曰諸

陰之反其脈何如岐伯曰脈至而從按之鼓甚而盛也

形證是寒按之而脈氣鼓擊於手下盛者此為熱盛拒陰而生病非寒也是故百病之起有

生於本者有生於標者有生於中氣者有取本而得者

有取標而得者有取中氣而得者有取標本而得者有

逆取而得者有從取而得者

反佐取之是為逆取奇偶取之是為從取寒病治以

寒熱病治以熱是為逆取從順也

逆正順也若順逆也

寒盛格陽治熱以熱熱盛拒陰

治寒以寒之類背時謂之逆外雖用逆中乃順也此逆乃正順也若寒格陽而治以寒熱拒寒而治以熱外則雖順中氣乃逆故方若順是逆也故曰知標與本用之不殆明知逆順

正行無問此之謂也不知是者不足以言診足以亂經

故大要曰粗工嘻嘻以為可知言熱未已寒病復始同

氣異形迷診亂經此之謂也

嘻嘻悅也言心意怡悅以為知道終盡也六氣之用

粗之與工得其半也厥陰之化粗以為寒其乃是溫太陽之化粗以為熱其乃是寒由此差互用失其道故其學問識用不達工之道半矣夫太陽少陰各有寒化熱量其標本應用則正反矣何以言之太陽本為寒標為熱少陰本為熱標為寒方之用亦如是也厥陰陽明中氣亦爾厥陰之中氣為熱陽明之中氣為溫此二氣亦反其類太陽少陰也然太陽與少陰有標本用與諸氣不同故曰同氣異形也夫一經之標本寒熱既殊言本當究其標論標合尋其本言氣不窮其標本論病未辨其陰陽雖同一氣而生且阻寒溫之候故心迷正理治益亂經呼曰粗

工允膺其稱爾

夫標本之道要而博小而大可以言一

而知百病之害言標與本易而勿損察本與標氣可令

調明知勝復為萬民式天之道畢矣

天地變化尚可盡知況一人之診而

云冥昧得經之要持法之宗為天下師尚卑其道萬民之式豈曰大哉

新校正云按標本病傳論云有其在本

標而求之于標有其在本而求之于本有其在在本而求之于標有其在本而求之于本故治有取標而得者有取本而得者有逆取而得者有從取而得者故知逆與從正行無間知標本者萬舉萬當不知標本是為妄行夫陰陽逆從標本之為道也小而大言一而知百病之害少而多淺而博可以言一而知百也以淺而知深察近而知遠言標與本易而勿及治反為逆治得為從先病而後逆者治其本先逆而後病者治其本先寒而後生病者治其本先熱而後生病者治其本先泄而後生他中滿者治其標先病而後泄者治其本先泄而後生他病者治其本必且調之乃治其他病先病而後生中滿者治其標先中滿而後煩心者治其本人有客氣有同氣小大不利治其標小大利治其本病發而有餘本而標之先治其本後治其標病發而不足標而本之先治

其標後治其本謹察間甚以意調之間者并行甚者獨行先小大不利而後生病者治其本此經論標本尤詳

帝曰勝復之變早晏何如岐伯曰夫所勝者勝至已病

病已愠愠而復已萌也

復心之愠不遠而有

夫所復者勝盡而起

得位而甚勝有微甚復有少多勝和而和勝虛而虛天

之常也帝曰勝復之作動不當位或後時而至其故何

也

言陽盛于夏陰盛于冬清盛于秋溫盛于春天之常候然其勝復氣用四序不同其何由哉

岐伯

曰大氣之生與其他衰盛異也寒暑溫涼盛衰之用其

在四維故陽之動始於溫盛於暑陰之動始於清盛於

寒春夏秋冬各差其分

言春夏秋冬四正之氣在于四維之分也即事驗之春之溫正

在辰巳之月夏之暑正在午未之月秋之涼正在戌亥之月冬之寒正在寅丑之月春始于仲春夏始于仲夏秋始于仲秋冬始于仲冬故丑之月陰結層冰于厚地未之月陽焰電掣于天垂戌之月霜清肅殺而庶物堅辰之月風扇和舒而陳柯榮秀此則氣差其分昭然而不可蔽也然陰陽之氣生發收藏與常法相會徵其氣化及在人之應則四時每差其日數與常法相違從差法乃正當之也

故大要曰彼春之

暖為夏之暑彼秋之忿為冬之怒謹按四維斥候皆歸

其終可見其始可知此之謂也

言氣之少壯也陽之少為暖其壯也為暑陰之

少為忿其壯也為怒此悲謂少壯之異氣證用之盛衰但立盛衰于四維之位則陰陽終始應用皆可知矣

帝曰差有數乎岐伯曰又凡三十度也

度者日也 校正云按六元

正紀大論曰差有數乎曰後皆三十度而有奇也此云三十度也者此文為略

帝曰其脈應皆

何如岐伯曰差同正法待時而去也

脈亦差其隨氣應也待差曰足應王

氣至而乃去也

脈要曰春不沈夏不弦冬不濇秋不數是謂四

塞

天地四時之氣閉塞而無所運行也

沈甚曰病弦甚曰病濇甚曰病數

甚曰病

但應天和氣是則為平形見太甚則為力致以力而致安能久乎故甚皆病

參見曰

病復見曰病未去而去曰病去而不去曰病

參謂參和諸氣來見

復見謂再見已衰王平之氣也去謂王已而去者也日行之度來出于差是為天氣未出日度過差是謂天氣

已去而脈尚在既反者死夏見沈秋見數冬見緩春見中是謂反也犯違天命生其

能久乎新校正云詳上文秋不數是謂四塞此注云秋見數是謂反蓋以脈差只在仲月差之度盡而數不

去謂秋之季月而故曰氣之相守司也如權衡之不得

相失也權衡秤也天地之氣寒暑相對溫清相望如持秤也高者否下者否兩者齊等無相奪倫則清

靜而生化各夫陰陽之氣清靜則生化治動則苛疾起

此之謂也動謂變動動常平之候而為災眚也苛重也新校正云按六微旨大論云成敗倚伏生乎

動動而不已明變作矣帝曰幽明何如歧伯曰兩陰交盡故曰幽

兩陽合明故曰明幽明之配寒暑之異也兩陰交盡于戌亥兩陽合

明于辰巳靈樞繫日月論云亥十月左足之厥陰戌九月右足之厥陰此兩陰交盡故曰厥陰辰三月左足之陽明巳四月右足之陽明此兩陽合于前故曰陽明然陰交則幽陽合則明幽明之象當由是也寒暑位西南東北幽明位西北東南幽明之配寒暑之宜誠斯異也

新校正云按大始天元冊文云幽明既位寒暑弛張

帝曰分至何如歧伯曰氣至之謂至氣分之謂分至則

氣同分則氣異所謂天地之正紀也

因幽明之問而形斯義也言冬夏二

至是天地氣主歲至其所在也春秋二分是間氣初二四五四氣各分其政于主歲左右也故曰至則氣同分則氣異也所言二至二分之氣配

者此所謂是天地氣之正紀也帝曰夫子言春秋氣

始于前冬夏氣始于後余已知之矣然六氣往復主歲

不常也其補寫奈何

以分至明六氣分位則初氣四氣始於立春立秋前各一十五日為

紀法三氣六氣始於立夏立冬後各一十五日為紀法由是四氣前後之紀則三氣六氣之中正當二至日也故曰春秋氣始於前冬夏氣始於後也然以三百六十五日易一氣一歲已往氣則改新新氣既來舊氣後去所宜之味天地不同補寫之者應知先後故復以問之也

歧伯曰上下所主隨其攸

利正其味則其要也左右同法大要曰少陽之主先甘

後鹹陽明之主先辛後酸太陽之主先鹹後苦厥陰之

主先酸後辛少陰之主先甘後鹹太陰之主先苦後甘

佐以所利資以所生是謂得氣

主謂主歲得謂得其性用也得其性用則舒卷

由人不得性用則動生乖忤宜祛邪之可望乎適足以伐天真之妙氣爾如是先後之求皆謂有病先寫之而後補之也

帝曰善夫百病之生也皆生於風寒暑濕燥火以

之化之變也

風寒暑濕燥火天之六氣也靜而順者經為化動而變者為變故曰之化之變也

言盛者寫之虛者補之余錫以方士而方士用之尚未

能十全余欲令要道必行桴鼓相應猶拔刺雪汗工巧

神聖可得聞乎

鍼曰工巧藥曰神聖經云望而知之謂之神聞而知之謂之

聖問而知之謂之工切脈而知之謂之巧以外知之曰聖以內知之曰神岐伯曰審察病機

無失氣宜此之謂也

得其機要則動小而功大用淺而功深也帝曰願聞病

機何如岐伯曰諸風掉眩皆屬於肝

風性動木氣同之

諸寒收

引皆屬於腎

收謂斂也引謂急也寒物收縮水氣同也

諸氣臌鬱皆屬於肺

高秋氣涼霧氣煙集涼至則氣熱復甚則氣彈徵其物象屬可知也臌謂臌滿鬱謂奔迫也氣之為用金氣同

之諸濕腫滿皆屬於脾

土薄則水淺土厚則水深土平則乾土高則濕濕氣之有土氣

同諸熱瞀瘵皆屬於火

火象微

諸痛痒瘡皆屬於心

心寂則痛

微心躁則痛甚百端之起皆自心生痛痒瘡瘍生于心也

諸厥固泄皆屬於下

下謂下焦

肝腎氣也夫守司于下腎之氣也門戶東要肝之氣也故厥固泄皆屬下也厥謂氣逆也固謂禁固也諸有氣

逆上行及固不禁出入無度燥濕不恒皆由下焦之主守也

諸痿喘嘔皆屬於上

上謂

上焦心肺氣也炎熱薄燥心之氣也承熱分化肺之氣也熱鬱化上故病屬上焦新校正云詳痿之為病似

非上病王注不解所以屬上之由使後人疑議今按痿論云五藏使人痿者因肺熱葉焦發為痿臂故云屬於

上也痿又謂肺痿也諸禁鼓慄如喪神守皆屬於火內熱之作諸瘕項

強皆屬於濕太陽傷濕諸逆衝上皆屬於火炎上之性用也諸脹腹

大皆屬於熱熱鬱於內肺脹所生諸躁狂越皆屬於火熱盛于胃及四末也

諸暴強直皆屬於風陽內鬱而陰行于外諸病有聲鼓之如鼓皆

屬於熱謂有聲也諸病肘腫疼酸驚駭皆屬於火熱氣多也諸轉

反戾水液渾濁皆屬於熱反戾筋轉也水液小便也諸病水液澄澈

清冷皆屬於寒

上下所出及吐出溺出也

諸嘔吐酸暴注下迫皆屬

於熱

酸水及味也

故大要曰謹守病機各司其屬有者求之

無者求之盛者責之虛者責之必先五勝疎其血氣令

其調達而致和平此之謂也

深乎聖人之言理宜然也有無求之虛盛責之言悉

由也夫如大寒而甚熱之不熱是無火也熱來復去晝見夜伏夜發晝止時節而動是無火也當助其心又如大熱而甚寒之不寒是無水也熱動復止倏忽往來時動時止是無水也當助其腎內格嘔逆食不得入是有火也病嘔而吐食久反出是無火也暴速注下食不及化是無水也澹泄而久止發無恒是無水也故心盛則生熱腎盛則生寒腎虛則寒動于中心虛則熱收于內又熱不得寒是無火也寒不得熱是無水也夫寒之不

寒責其無水熱之不熱責其無火熱之不久責心之虛
寒之不久責腎之少者寫之無者補之虛者補之盛
者寫之居其中間東者塵塞令上下無礙氣血通調則
寒熱自和陰陽調達矣是以方有治熱以寒寒之而水
食不入攻寒以熱熱之而昏躁以生此則氣不疎通壅
而為是也紀于水火餘氣可知故曰有者求之無者求
之盛者責之虛者責之令氣通調妙之道也五勝謂五
行更勝也先以五行寒暑溫涼濕酸鹹甘辛苦相勝為
法也帝曰善五味陰陽之用何如岐伯曰辛甘發散為陽

酸苦涌泄為陰鹹味涌泄為陰淡味滲泄為陽六者或
收或散或緩或急或燥或潤或栗或堅以所利而行之

調其氣使其平也

涌吐也泄利也滲泄小便也言水液
自迴腸沁別汁滲入膀胱之中自胞

氣化之而為溺以泄出也 新校正云按藏氣法時論云辛散酸收甘緩苦堅鹹寒又云辛酸甘苦鹹各有所利或散或收或緩或急或堅或或帝曰非調氣而得者治更四時五藏病隨五味所宜也

之柰何有毒無毒何先何後願聞其道

夫病生之類其有四焉一者始

因氣動而內有所成二者不因氣動而外有所成三者始因氣動而病生于內四者不因氣動而病生于外夫因氣動而內成者謂積聚癥瘕瘤氣癰起結核癰癰之類也外成者謂癰腫瘡瘍痂疥疽痔掉瘰浮腫目赤瘰癧胗腫痛癢之類也不因氣動而病生于內者謂留飲癖食飢飽勞損宿食霍亂悲恐喜怒想慕憂結之類也生于外者謂瘡氣賊魅蟲蛇蟲毒蜚尸鬼擊重薄墜墮風寒暑溫斫射刺割捶扑之類也如是四類有獨治內而愈者有兼治內而愈者有獨治外而愈者有兼治外而愈者有先治內後治外而愈者有先治外後治內而愈者

愈者有須齊毒而攻擊者有須无毒而調引者凡此之類方法所施或重或輕或緩或急或收或散或潤或燥或更或堅方士之用見解不同各

擅已心好丹非素故復問之者也

岐伯曰有毒無毒所

治為主適大小為制也

言但能破積愈疾解急脫死則為良方非必言以先毒為是

後毒為非無毒為非有毒為是必量病輕重大小制之者也

帝曰請言其制岐伯曰

君一臣二制之小也君一臣三佐五制之中也君一臣

三佐九制之大也寒者熱之熱者寒之微者逆之甚者

從之

夫病之微小者猶木火也遇草而燭得木而燭可以濕伏可以水滅故逆其性氣以折之攻之病之

大甚者猶龍火也得濕而焰遇水而燭不知其性以水濕折之適足以光焰詣天物窮方止矣識其性者反常

之理以火逐之則燭灼自消焰光撲滅然逆之謂以寒攻熱以熱攻寒從之謂攻以寒熱雖從其性用不必皆同是以下文曰逆者正治從者反治從少從多觀其事也此之謂乎新校正云按神農云藥有君臣佐使以相宜攝合和宜用一君二臣三佐五使又可一君二臣九佐使也堅者削之客者除之

勞者溫之結者散之留者攻之燥者濡之急者緩之散者收之損者溫之逆者行之驚者平之上之下之摩之

浴之薄之劫之開之發之適事為故

量病證候適事用之

帝曰何

謂逆從岐伯曰逆者正治從者反治從少從多觀其事

也

言逆者正治也從者反治也逆病氣而正治則以寒攻熱以熱攻寒雖從順病氣乃反治法也從少謂一

同而二異從多謂二同而三異也言盡同者是奇制也

帝曰反治何謂岐伯曰熱

因寒用寒因熱用塞因塞用通因通用必伏其所主而

先其所因其始則同其終則異可使破積可使潰堅可

使氣和可使必已

夫大寒內結積聚痼疾以熱攻除寒格熱反縱反縱之則痛發尤甚攻

之則熱已

不得前方以蜜煎烏頭佐之以熱蜜多其藥服已便消是則張公從此而以熱因寒用也有火

氣動服冷已過熱為寒格而身冷嘔噦噤乾口苦惡熱好寒眾議攸同咸呼為熱冷治則甚其如之何逆其好

則拒治順其心則加病若調寒熱逆冷熱必行則熱物冷服下噤之後冷體既消熱性便發由是病氣隨愈嘔

噦皆除情且不違而致大益醇酒冷飲則其類矣是則以熱因寒用也所謂惡熱者凡諸食餘氣主于生者

新校正云詳王字疑悞見之已嘔也又病熱者寒攻不入惡其寒勝熱乃消除從其氣則熱增寒攻之則不入以豉豆諸冷藥酒漬或煨而服之酒熱氣同固無違忤酒熱既盡寒藥已行從其服食熱便隨散此則寒因熱用也或以諸冷物熱齊和之服之食之熱復圍解是亦寒因熱用也又熱食猪肉及粉葵乳以椒薑橘熱齊和之亦其類也又熱在下焦治亦然假如下氣虛乏中焦氣擁眩脇滿甚食已轉增粗工之見無能斷也欲散滿則恐虛其下補下則滿甚于中散氣則下焦轉虛補虛則中滿滋甚醫病參議言意皆同不救其虛且攻其滿藥入則減藥過依然故中滿下虛其病常在乃不知疎啓其中峻補于下少服則資壅多服則宣通由是而療中滿自除下虛斯實此則塞因塞用也又大熱內結注泄不止熱宜寒療結復須除以寒下之結散利止此則通因通用也又大熱凝內久利瘕泄愈而復發綿歷歲年以熱下之寒去利止亦其類也投寒以熱涼而行

之投熱以寒溫而行之始同終異斯之謂也諸如此等
其徒寔繁略舉宗非猶是反治之道斯其類也新校
正云按五常政大論云治熱以寒溫而行之治寒
以熱涼而行之亦熱因寒用寒因熱用之義也 帝曰

善氣調而得者何如岐伯曰逆之從之逆而從之從而

逆之疎氣令調則其道也

逆謂逆病氣以正治從謂從病氣而反療逆其氣以正治

使其從順從其病以反取令彼和調故曰逆從也不疎其氣令道路開通則氣感寒熱而為變始化生多端也

帝曰善病之中外何如岐伯曰從內之外者調其內從

外之內者治其外

各絕其源

從內之外而盛於外者先調其

內而後治其外從外之內而盛於內者先治其外而後

調其內

皆謂先除其根屬後削其枝條也

中外不相及則治主病

中外不相

及自各一病也

帝曰善火熱復惡寒發熱有如瘧狀或一日發

或間數日發其故何也歧伯曰勝復之氣會過之時有

多少也陰氣多而陽氣少則其發日遠陽氣多而陰氣

少則其發日近此勝復相薄盛衰之節瘡亦同法

陰陽齊等

則一日之中寒熱相半陽多陰少則一日一發而但熱不寒陽少陰多則隔日發而先寒後熱雖復勝之氣若氣微則一發後六七日乃發時謂之愈而復發或頻三日發而六七日止或隔十日發而四五日止者皆由氣之多少會遇與不會遇也俗見不遠乃謂鬼神暴疾而又祈禱避匿病勢已過旋至其斃病者殞歿自謂其分

致令冤魂塞于冥路天死盈于曠野仁愛鑒茲能不傷
楚習俗既久難卒釐革非復可改未如之何悲哉悲哉

帝曰論言治寒以熱治熱以寒而方士不能廢繩墨而
更其道也有病熱者寒之而熱有病寒者熱之而寒二

者皆在新病復起柰何治

謂治之而病不衰退反因藥寒熱而隨生寒熱病之新者

也亦有止而復發者亦有藥在而除藥去而發者亦有全不息者方士若廢此繩墨則無更新之法欲依標格則病勢不除捨之則阻彼凡情治之則藥無能驗心迷意惑無由通悟不知其道何恃而為因藥病生新舊相對欲求其愈岐伯曰諸寒之而熱者取之陰熱之而寒

安可柰何

者取之陽所謂求其屬也

言益火之源以消陰翳壯水之生以制陽光故曰求其屬

也夫粗工褊淺學未精深以熱攻寒以寒療熱治熱未
已而冷疾已生攻寒日深而熱病更起熱起而中寒尚
在寒生而外熱不除欲攻寒則懼熱不前欲療熱則思
寒又止進退交戰危亟已臻豈知藏府之源有寒熱溫
涼之主哉取心者不必齊以熱取腎者不必齊以寒但
益心之陽寒亦通行強腎之陰熱之猶可觀斯之故或
治熱以熱治寒以寒萬舉萬全孰知其意思方智極理
盡辭窮嗚呼人之死者豈謂命不謂方士愚昧而殺之
耶

帝曰善服寒而反熱服熱而反寒其故何也岐伯曰

治其王氣是以反也

物體有寒熱氣性有陰陽觸王之氣則強其用也夫肝氣溫和心氣

暑熱肺氣清涼腎氣寒冽脾氣無并之故也春以清治肝而反溫夏以冷治心而反熱秋以溫治肺而反清冬以熱治腎而反寒蓋由補益王氣太甚也補王太甚則藏之寒熱氣自多矣

帝曰不治王而

然者何也岐伯曰悉乎哉問也不治五味屬也夫五味

入胃各歸所喜攻酸先入肝苦先入心甘先入脾辛先

入肺鹹先入腎

新校正云按宣明五氣篇云五味所入酸入肝辛入肺苦入心鹹入腎甘入脾

是謂五入也

久而增氣物化之常也氣增而久天之由也

夫入

肝為溫入心為熱入肺為清入腎為寒入脾為至陰而四氣無之皆為增其味而益其氣故各從本藏之氣用爾故久服黃連苦參而反熱者此其類也餘味皆然但人疎忽不能精候矣故曰久而增氣物化之常也氣增不已益歲年則藏氣偏勝氣有偏勝則有偏絕藏有偏絕則有暴夭者故曰氣增而久夭之由也是以正理觀化藥集商較服餌曰藥不具五味不備四氣而久服之雖且獲勝益久必致暴夭此之謂也絕粒服餌則不暴

天斯何由哉無五穀味資助故也復令食穀其亦天焉

帝曰善方制君臣何謂也

歧伯曰主病之謂君佐君之謂臣應臣之謂使非上下

三品之謂也

上藥為君中藥為臣下藥為佐使所以異善惡之名位服餌之道當從此為法治病

之道不必皆然以主病者為君佐君者為臣應臣之用者為使皆所以贊成方用也帝曰三品何

謂歧伯曰所以明善惡之殊貫也

三品上中下品此明藥善惡不同性用也

新校正云按神農云上藥為君主養命以應天中藥為臣養性以應人下藥為佐使主治病以應地也

帝

曰善病之中外何如

前問病之中外謂調氣之法今此未盡故復問之此下對當次前求

其屬也之下應占之錯簡也

歧伯曰調氣之方必別陰陽定其中外

各守其鄉內者內治外者外治微者調之其次平之盛

者奪之汗者下之寒熱溫涼衰之以屬隨其攸利

病者中外


治有表裏在內者以內治法和之在外者以外治法和之氣微不和以調氣法調之其次大者以平氣法平之盛甚不已則奪其氣令甚衰也假如小寒之氣溫以和之大寒之氣熱以取之甚寒之氣則下奪之奪之不已則逆折之折之不盡則求其屬以衰之小熱之氣涼以和之大熱之氣寒以取之甚熱之氣則汗發之發之不尽則逆制之制之不尽則求其屬以衰之故曰汗之下之寒熱溫涼衰之以屬隨其攸利攸所也 謹道

如法萬舉萬全氣血正平長有天命

守道以行舉無不中故能驅役草木石

召遣神靈調御陰陽蠲除衆疾血氣保平和之候天真無耗竭之由夫如是者蓋以舒卷在心去留從意故精

神内守壽
命靈長
帝曰善



黃帝內經素問卷二十二

黃帝內經素問卷二十二釋文

至真要大論

燭羊入切

燭

七渾切

膨

普育切

瘞

殂禾切

藝

如悅切

燖

匹搖切

膑

之力切

脆

須醉切

黃帝內經素問卷二十二 釋文

欽定四庫全書

子部

黃帝內經素問卷二十三
四

詳校官太醫院醫士臣趙正池

編修臣倉聖脈覆勘

總校官檢討臣何思鈞

校對官中書臣范鏊

謄錄監生臣劉廷勲

欽定四庫全書

黃帝內經素問卷二十三 唐 王冰 次注

宋 林億等校正

著至教論 示從容論

疏五過論 徵四失論

著至教論篇七十五 新校正云按全元起本
在四時病類論篇末

黃帝坐明堂召雷公而問之曰子知醫之道乎 明堂布
政之宮

也八窗四闥上圓下方在國之南故稱明堂夫求民之
瘼恤民之隱大聖之用心故召引雷公問拯濟生靈之

也道雷公對曰誦而頗能解解而未能別別而未能明明

而未能彰

言所知解但得法守數而已猶未能深盡精微之妙用也

新校正云按楊上善云習道

有五一誦二解三別四明五彰

足以治羣僚不足至侯王

公不敢自高其道然則布

衣與血食主療亦殊矣

願得受樹天之度四時陰陽合之別星辰

與日月光以彰經術後世益明

樹天之度言高遠不極四時陰陽合之言順氣

序也別星辰與日月光言別學者之明大小異也新校正云按太素別作列字

上通神農著

至教疑於二皇

公欲其經法明著通於神農使後世見之疑是二皇並行之教新校正云按

全元起本及太素疑作擬帝曰善無失之此皆陰陽表裏上下雌雄

相輸應也而道上知天又下知地理中知人事可以長

久以教衆庶亦不疑殆醫道論篇可傳後世可以為寶

以明雷公曰請受道諷誦用解誦即論也諷論者所帝

曰子不聞陰陽傳乎曰不知曰夫三陽天為業天為業言三陽

之氣在人身形所行居上也陰陽傳上上下無常合而

病至偏害陰陽上下無常言氣乖通不定在上下也合而病至謂手足三陽氣相合而為病至

也陽并至則精氣微故雷公曰三陽莫當請聞其解莫當

言氣并至帝曰三陽獨至者是三陽并至并至如風雨

上為巔疾下為漏病

并至謂手三陽足三陽脉起於目內眥上額至也足太陽脉起於目內眥上額

交巔上其支別者從巔至耳上角其直行者從巔入絡腦還出別下項從肩膊內夾脊抵腰中入循腦絡腎屬膀肘手太陽脉起於手循臂上行交肩入缺盆絡心循咽下膈抵胃屬小腸故上為巔疾下為漏病也漏血膿出所謂并至如風雨者言無常準也故下文曰新校正云按楊上善云漏病謂膀肘漏洩大小便數不禁也

守外無期內無正不中經紀診無上下以書別

言三陽并至上

下無常外無色氣可期內無正經常爾所至之時皆不中經脉網紀所病之證又復上下無常以書記銓量乃

應分

雷公曰臣治踈愈說意而已

雷公言臣之所治稀得痊愈請言深意而

已疑心已止也謂

帝曰三陽者至陽也

六陽并合故曰至盛之陽也

積并則為驚病起疾風至如礪礪九竅皆塞陽氣滂溢

乾嗌喉塞

積謂重也言六陽重并洪盛莫當陽憤鬱惟盛是為滂溢無涯故乾竅塞也

并於

陰則上下無常薄為腸澼

陰謂藏也然陽薄於藏為病亦上下無常定之診若在下

為病便數赤白

此謂三陽直心坐不得起卧者便身全三陽之

病

足太陽脉循肩下至腰故坐不得起卧便身全也所以然者起則陽盛鼓故常欲得卧卧則經氣均故身

安全

新校正云按甲乙經便身全作身重也

且以知天下何以別陰陽應四

時合之五行

言知未備也

雷公曰

新校正云按自此至篇末全元起本別為一篇名方

盛衰

陽言不別陰言不理請起受解以為至道

帝未許為深知

故重請也

帝曰子若受傳不知合至道以惑師教語子至道

之要

不知其要流散無窮後世相習去聖久遠而病傷學者各自是其法則惑亂於師氏之教旨矣

五臟筋骨以消子言不明不別是世主學盡矣

言病之深重尚

不明別然輕微者亦何開愈今得偏知耶腎且絕惋惋

日暮從容不出人事不殷

舉臟之易知者也然腎脉且絕則心神內燦筋骨脉肉日

晚酸空也暮晚也若以此之類諸臟氣俱少不出者當人事萎弱不復殷多所以爾者是則腎不足非傷損故

也作腎且絕死死日暮也

示從容論篇七十六

新校正云按全元起本在第八卷名從容別白黑

黃帝燕坐召雷公而問之曰汝受術誦書者若能攬觀
雜學及於比類通合道理為余言子所長五藏六府膽
胃大小腸脾胞膀胱腦髓涕唾哭泣悲哀水所從行此

皆人之所生治之過失

五藏別論黃帝問曰余聞方士

或以為府敢問更相反皆自為是不知其道願聞其說
岐伯曰腦髓骨脉膽女子胞此六者地氣所生也皆藏
於陰而象於地故藏而不寫名曰奇恒之府夫胃大腸
小腸三焦膀胱此五者天氣之所生也其氣象天寫而
不藏此受五藏濁氣故名曰傳化之府是以古之治病者以為過失也
子務明之可以十

全即不能知為世所怨

不能知之動傷生者故人
間議論多有怨咎之心焉
雷公

曰臣請誦脉經上下篇甚衆多矣別異比類猶未能以

十全又安足以明之

言臣所請誦脉經兩篇衆多別異比類例猶未能以義而會見十全

又何足以心明至理乎安猶何也

帝曰子別試通五藏之過六府之所

不和鍼石之敗毒藥所宜湯液滋味具言其狀悉言以

對請問不知

過謂過失所謂不率常候而生病者也毒藥攻邪滋味充養試公之問知與不知爾

新校正云按太素別試作誠別而已

雷公曰肝虛腎虛脾虛皆令人體

重煩冤當投毒藥刺灸砭石湯液或已或不已願聞其

解

公以帝問使言五藏之過毒藥湯液滋味故問此病也

帝曰公何年之長而問

之少余真問以自謬也

言問之不相應也以問不相應故言余真發問以自招謬誤之

對吾問子窈冥子言上下篇以對何也

窈冥謂不可見者則形氣榮衛

也八政神明論歧伯對黃帝曰觀其冥冥者言形氣榮衛之不形於外而工獨知之以日之寒溫月之虛盛四時氣之浮沉參伍相合而調之工常先見之然而不形於外故曰觀於冥冥馬由此帝故曰吾問子窈冥也然肝虛腎虛脾虛則上下篇之旨帝故曰子言上下篇以對何也耳

夫脾虛浮似肺腎小

浮似脾肝急沉散似腎此皆工之所時亂也然從容得

之

脾虛脉浮候則似肺腎小浮上候則似脾肝急沉散候則似腎者何以然以三藏相近故脉象參差而相

類也是以工惑亂之為治之過失矣雖爾乎猶宜從容安緩審比類之而得三藏之形候矣何以取之然浮而

緩曰脾浮而短曰肺小浮而滑曰心急緊而散
曰肝悖沈而滑曰腎不能比類則疑亂彌甚 若夫三

藏土木水參居此童子之所知問之何也

脾合土肝合木腎合水三

藏皆在耳下雷公曰於此有人頭痛筋攣骨重怯然少

氣噦噫腹滿時驚不嗜卧此何藏之發也脉浮而弦切

之石堅不知其解復問所以三藏者以知其比類也

脉有

浮弦石堅故云問所以帝曰夫從容之謂也

言比類也

夫年

長則求之於府年少則求之於經年壯則求之於藏年

之

長者甚於味年之少者勞於使年之壯者過於內過於
內則耗傷精氣勞於使則經中風邪恣於味則傷於府

故求之異也

今子所言皆失八風菀熟五藏消爍傳邪相受

夫浮而弦者是腎不足也

脉浮為虛弦為肝氣以腎氣不足故脉浮弦也

沈而

石者是腎氣內著也

石之言堅也著謂腎氣內薄著而不行也

怯然少氣者

是水道不行形氣消索也

腎氣不足故水道不行肺藏二衛故形氣消散索盡也

欬嗽煩冤者是腎氣之逆也

腎氣內著上歸於母也

一人之氣病

在一藏也若言三藏俱行不在法也

經不然也

雷公曰於此

有人四支解墮喘欬血泄而愚診之以為傷肺切脉浮

大而緊愚不敢治粗工下砭石病愈多出血血止身輕

此何物也帝曰子所能治知亦衆多與此病失矣

以為傷肺

而不敢治是乃譬以鴻飛亦冲於天

鴻飛冲天偶然而得豈其羽翮之所

能哉粗工下砭石亦猶是矣

夫聖人之治病循法守度援物也類色

之冥冥循上及下何必守經

經謂經脉非經法也

今夫脉浮大虛

者是脾氣之外絕去胃外歸陽明也

足太陰絡支別者入絡腸胃是以脾

氣外絕不至胃外歸陽明也

夫二火不勝三水是以脉亂而無常也

二火謂二陽藏三水謂三陰藏二陽藏者心肺也在焉上則三陰藏者肝脾腎也在焉下故然三陰之氣

上勝二陽陽不勝陰故脉亂而無常也

四支解墮此脾精之不行也

土主四支

故四支解墮脾精不化故使之然

喘欬者是水氣并陽明也

腎氣逆入於胃故水

氣并於陽明

血泄者脉急血無所行也

泄謂泄出也然脉氣數急血溢於中血不

入經故為血泄以脉奔急而血溢故曰血無所行也

若夫以為傷肺者由失以狂

也不引比類是知不明也

言所識不明不能比類以為傷肺猶失狂言耳

夫傷

肺者脾氣不守胃氣不清經氣不為使真藏壞決經脉

傍絕五藏漏泄不衄則嘔此二者不相類也

肺氣傷則脾外救故

云脾氣不守肺藏損則氣不行不行則胃滿故云胃氣不清肺者主行二衛陰陽故肺傷則經脉不能為之行使也真藏謂肺藏也若肺藏損壞皮膜上散經脉傍絕而不流行五藏之氣上溢而漏泄者不衄血則嘔血也

何者肺主鼻胃應口也然口鼻者氣之門戶也今肺藏已損胃氣不清不上衄則血下流於胃中故不衄出則嘔出也然傷肺傷脾衄血泄血標出譬如天之無形地且異本歸亦殊故此二者不相類也

之無理白與黑相去遠矣

言傷肺傷脾形證懸別譬如黑白之異象也

是失吾過矣以子知之故不告子

是猶此也言雷公失之此見病跡者是吾

不告子比類之道故自謂過也

明引比類從容是以名曰診輕

新校正云按太

素輕是謂至道也

明引形證比量類例合從容之旨則輕微之者亦不失矣所以然者何哉

以道之至妙而能兩也從容上古經篇名也何以明之陰陽類論雷公曰臣悉盡意受傳經脈頌得從容之道

以合從容明古文有從容矣

疏五過論篇七十七

新校正云按全元起本
在第八卷名論過失

黃帝曰嗚呼遠哉閔閔乎若視深渊若迎浮雲視深渊

尚可測迎浮雲莫知其際

嗚呼遠哉歎至道之不及也
閔閔乎言妙用之不窮也深

淵清澄見之必定故可測

浮雲漂寓際不守常
故莫知新校正云詳此文與六微旨論文重

聖人之

術為萬民式論裁志意必有法則循經守數按循醫事

為萬民副故事有五過四德汝知之乎

慎五過則敬順
四時之德氣矣

然德者道之用生之主故不可不敬順之也上古天真
論曰所以能年皆度百歲而動作不衰者以其德全不
危故也靈樞經曰天之在我者德也由此則天降德氣
人賴而生主氣抱神上通於天生氣通天論曰夫自古

通天者生之本此之謂也

新校正

雷公避席再拜曰

臣年幼小蒙愚以惑不聞五過與四德比類形名虛引

其經心無所對

經未師受心匪生知功業微薄故早辭也

帝曰凡未診病者

必問嘗貴後賤雖不中邪病從内生名曰脫營

神屈故也貴之

尊榮賤之屈辱心懷眷慕久結憂懼故雖不中邪而病從内生血脉虛減故曰脫營

嘗富後貧名

曰失精五氣留連病有所并

富而從欲貧奪豐財內結憂煎外悲過物然則心從

想慕神隨往計榮衛之道閉以遲留氣血不行積并為病

醫工診之不在藏府不變

軀形診之而疑不知病名

言病之初也病由想戀所為故未居藏府事因情念所起

故不變軀形醫不言病之次也氣悉之故診而疑也身體日減氣虛無精血相逼形肉消

燥故身體日減陰陽應象大論曰氣歸精精食氣今氣虛不化精無所滋故也病深無氣洒洒

然時驚言病之深也病氣深穀氣盡陽氣內薄故惡寒而驚洒洒寒貌病深者以其外

耗於衛內奪於榮血為憂煎氣隨悲減故外耗於衛內奪於榮病深者何以此耗奪故爾也

者新校正云按太素病深良工所失不知病情此亦治

之一過也失謂失問其所始也凡欲診病者必問飲食居處飲食居處

其有不同故問之也異法方宜論曰東方之域天地之

所先生魚鹽之池海濱傍水其民食魚而嗜鹹皆安其

處美其食西方者金王之域沙石之處天地之所收引

食而脂肥北方者天地所閉藏之域其地高陵居風寒水冽其民樂野處而乳食南方者天地所長養陽之所盛處其地平以水土弱霧露之所聚其民嗜酸而食胘中央者其地平以濕天地所以生萬物也衆其民食離而不勞由此則診病之道當先問焉故聖人離合以法各得其所宜此之謂矣 暴樂暴苦始樂

後苦

新校正云按太素作始苦

皆傷精氣精氣竭絕形體毀沮

喜則氣緩

悲則

氣消然悲哀動中者竭絕而失生

暴怒傷陰暴喜

傷陽

怒則氣逆故傷陰喜則氣緩故傷陽厥氣上行滿脉去形

厥氣逆也逆氣上行

滿於經絡則神氣憚散去離形骸矣

愚醫治之不知補寫不知病情精華

日脫邪氣乃并此治之二過也

不知喜怒哀樂之殊情概為補寫而同實則五

藏精華之氣日脫邪氣薄善於脉者必以比類奇恒從蝕而乃并於正真之氣矣

容知之為工而不知道此診之不足貴此治之三過也

奇恒謂氣候奇異於恒常之候也從容謂分別藏氣虛實脉見高下幾相似也示從容論曰脾虛浮似肺腎小浮似脾肝急沈散似腎此皆工之所時亂然從容分別而得之矣診有三常必問貴賤

封君敗傷及欲侯王貴則形樂志樂賤則形苦志苦苦樂殊貫故先問也封君敗傷降君

之位封公卿也及欲侯王謂情慕尊貴而妄為不已也新校正云按太素欲作公故貴脫勢雖

不中邪精神內傷身必敗亡憂惶煎迫怫結所為始富後貧雖不

傷邪皮焦筋屈痿躄為瘰以五藏氣留連病有所并而為是也醫不能嚴

不能動神外為柔弱亂至失常病不能移則醫事不行

此治之四過也

嚴謂戒所以禁非也所以令從命也外為柔弱言委隨而順從也然戒不足以

禁非動不足以從令委隨任物

凡診者必知終始有知

餘緒切脉問名當合男女

曰終始謂氣色也脉要精微論曰知外者終而始之明知五

氣色象終而復始也餘緒謂病發端之餘緒也切謂以指按脉也問名謂問病診之名也男子陽氣多而左脉大為順故宜以候常先合之也

離絕菀結憂恐喜怒五

藏空虛血氣離守工不能知何術之語

離謂離間親愛絕謂絕念所懷

菀謂菀積思慮結謂結固餘怨夫問親愛者魂遊絕所懷者意喪積所慮者神勞結餘怨者志苦憂愁者閉塞

而不行恐懼者蕩憚而失守盛怒者迷惑而不治喜樂者憚散而不藏由是八者故五藏空虛血氣離守工不思曉又何言哉新校正云按嘗富大傷斬筋絕脉身蕩憚而失守甲乙經作不收

體復行令澤不息

斬筋絕脉言非分之過損也身體雖以復舊而行且令津液不為滋息也

何者精氣耗減也澤者液也

故傷敗結留薄歸陽膿積寒炆

陽謂諸陽脉及

六府也炆謂熱也言非分傷敗筋脉之氣血氣內結留而不去薄於陽脉則化為膿久積腹中則外為寒熱也

粗工治之亟刺陰陽身體解散四支轉筋死日有期

知不

寒熱為膿積所生以為常熱之疾概施其法數刺陰陽經脉氣奪病甚故身體解散而不用四支廢運而轉筋如是故知死日有期醫不能明不問所發唯言死日亦豈謂命不謂醫耶

為粗工此治之五過也

言粗工不必謂解不備學者縱備盡三世經法診不備三常療

不慎五過不求餘緒不問持身亦足為粗畧之醫爾

凡此五者皆受術不通人事

不明也

言是五者但名受術之徒未足以通悟精微之理人間之事尚猶懵然

故曰聖人

之治病也必知天地陰陽四時經紀五藏六府雌雄表

裏刺灸砭石毒藥所主從容人事以明經道貴賤貧富

各異品理問年少長勇怯之理審於分部知病本始八

正九候診必副矣

聖人之備識也如此工宜勉之

治病之道氣內為寶

循求其理求之不得過在表裏

工之治病必在於形氣之內求有過者是為聖

人之寶也求之不得則以藏府之氣陰陽表裏而察之
新校正云按全元起本及太素作氣內為實楊上善
云天地間氣為外氣人身中氣為內氣外氣裁成萬物
是為外實內氣榮衛裁生故為內實治病能求內氣之
理是治病之要也 守數據治無失俞理能行此術終身不死

守數

謂血氣多少及刺深淺之數也據治謂據穴俞所治之
旨而用之也但守數據治而用之則不失穴俞之理矣

殆者危也 不知俞理五藏苑熟癰發六府 苑積也熟熱也五
藏積熱六府受之

陽熱相薄熱之所過則為癰矣 診病不審是謂失常 謂失常經術
正用之道也 謹守

此治與經相明 謂前氣內循求
俞會之理也 上經下經揆度陰陽奇

恒五中以決明堂審於終始可以橫行 所謂上經者言
氣之通天也下

經者言病之變化也言此二經揆度陰陽之氣奇恒五
中皆決於明堂之部分也揆度者度病之深淺也奇恒
者言奇病也五中者言五藏之氣色也夫明堂者所以
視萬物別白黑審長短故曰決於明堂也審於終始者
謂審察五色囚王終而復始也夫道循如是應用不窮
目牛無全萬舉萬當由斯高遠故可以橫行於世間矣
徵四失論篇七十八

新校正云按全元起本在第八卷名方論得失明著

黃帝在明堂雷公侍坐黃帝曰夫子所通書受事衆多
矣試言得失之意所以得之所以失之雷公對曰循經

受業皆言十全其時有過失者請聞其事解也

言循學經師受

傳事業皆謂十全於人庶及乎施用正術宣行至道或得失之於世中故請聞其解說也帝曰子年

少智未及邪將言以雜合耶

言謂年少智未及而不得十全耶為復且以言而雜

合衆人之用耶帝疑先知而反問也

夫經脉十二絡脉三百六十五此皆

人之所明知工之所循用也

謂循學而用也

所以不十全者精

神不專志意不理外內相失故時疑殆

外謂色內謂脉也然精神不專

於循用志意不從於條理所謂粗畧揆度失常故色脉相失而時自疑殆也

診不知陰陽逆

從之理此治之一失也

脉要精微論曰冬至四十五日陽氣微上陰氣微下夏至四十

五日陰氣微上陽氣微下陰陽有時與脉為期又曰微妙在脉不可不察察之有紀從陰陽始由此故診不知

陰陽逆從之理為一失矣

受師不卒妄作雜術謬言為道更名自功

新校正云按太素功作巧

妄用砭石後遺身咎此治之二失也

不終師術

惟妄是為易古變常自功循已遺身之咎不亦宜乎故為二失也老子曰无遺身殃是謂襲常盖嫌其妄也

不適貧富貴賤之居坐之薄厚形之寒溫不適飲食之

宜不別人之勇怯不知比類足以自亂不足以自明此

治之三失也

以貧賤者勞富貴者佚佚則邪不能傷易傷以勞勞則易傷以邪其於勞也則富者處

貴者之半其於邪也則貧者居賤者之半例率如此然世祿之家或此殊矣夫勇者難感怯者易傷二者不同

蓋以其神氣有壯弱也觀其貧賤富貴之義則坐之薄厚形之寒溫飲食之宜理可知矣不知比類用必乖衷

則適足以汨亂心緒豈通明之可妄乎故為失三也診病不問其始憂患飲食之

失節起居之過度或傷於毒不先言此卒持寸口何病

能中妄言作名為粗為窮此治之四失也

憂謂憂懼也患謂患難也

飲食失節言其飽也起居過度言潰耗也或傷於毒謂病不可拘於藏府相乘之法而為療也卒持寸口謂不

先持寸口之脉和平與不和平也然工巧備識四術猶疑故診不能中病之形名言不能合經而妄作粗畧醫

者尚能窮妄謬之連背况深明者見而不謂非乎故為失四也是以世人之語者馳千

里之外不明尺寸之論診無人事

言工之得失毀譽在世人之言語皆可至

千里之外然其不明尺寸之治數之道從容之葆

治主也葆

平也言診數當主之氣皆以氣高下而為比類之原本也故下文曰坐持寸口診不中五

脉百病所起始以自怨遺師其咎

自不能深學道術而致診差違始上申怨

謗之不遺過咎於師氏者未之有也

是故治不能循理棄術於市妄治時

愈愚心自得

不能脩學至理乃街賣於市廛人不信之謂平虛謬故云棄術於市也然愚者百慮

而一得何自功之有耶按全元起本自作巧太素作自功

新校正云

嗚呼窈窈冥冥熟

知其道

今詳熟當作孰

道之大者擬於天地配於四海汝不知

道之諭受以明為晦

嗚呼歎也窈窈冥冥言玄遠也至道玄遠誰得知之孰誰也擬於天

地言高下之不可量也配於四海言深廣之不可測也然不能曉諭於道則授明道而成暗昧也晦暗也

黃帝內經素問卷二十三

黃帝內經素問卷二十三釋文

著至教論恤

音戌

示從容論砭

方駢切

疏五過論沮

七余反

憚

音但

佚

音逸

葆

音保

黃帝內經素問卷二十三釋文

欽定四庫全書

黃帝內經素問卷二十四 唐 王冰 次注

宋 林億等校正

陰陽類論 方盛衰論

解精微論

陰陽類論篇七十九

新校正云按全元起本在第八卷

孟春始至黃帝燕坐臨觀八極正八風之氣而問雷公

曰陰陽之類經脉之道五中所主何藏最貴

孟春始至謂立春之

日也。燕安也。觀八極，謂視八方遠際之色，正八風，謂候八方所至之風。朝會於太一者也。五中，謂五藏。新校正云：詳八風，朝太一，具天元玉冊中。又按楊上善云：夫天為陽，地為陰，人為和，陰無其陽，衰殺無已；陽無其陰，生長不止，生長不止，則傷於陰，陰傷則陽禍生矣。故須聖人在天地間，和已，則傷於陽，陽傷則陽禍生矣。故須聖人在天地間，和陰陽氣，令萬物生也。和氣之道，謂先脩身為德，則陰陽氣和，陰陽氣和則八節風調。八節風調，則八虛風止。於帝是疵癘不起，嘉祥競集。此亦不知所以然，而然也。故黃帝問身之經脈貴賤，依之調攝修德於身，以正八風之氣。雷公對曰：春甲乙青，中主肝，治七十二日是脈之主。時臣以其藏最貴。東方甲乙春氣主之，自然青色入通肝也。金匱真言論曰：東方青色入通於肝，故曰青，中主肝也。然五行之氣，各王七十二日，五積而乘之，則終一歲之數三百六十日，故云治七十二

日也夫四時之氣以春為始五藏之應肝藏
合之公故以其藏為衆貴藏或為道非也 帝曰却念

上下經陰陽從容子所言貴衆其下也從容謂安緩比類也帝念脉經

上下篇陰陽比類形氣不以肝藏為貴故謂公之所貴衆其下也 雷公致齋七日旦復

侍坐願悟非故齋以洗心 帝曰三陽為經二陽為維一陽

為游部經謂經綸所以濟成務維謂維持所以繫天真游謂游行部謂身形部分也故主氣者濟成務

化穀者繫天真主色者散布精微游行諸部也 新校
正云按楊上善云三陽足太陽脉也從目內眥上頭分

為四道下項并正別脉上下六道以行於背與身為經
二陽足陽明脉也從鼻而起下咽分為四道并正別脉

六道上下行腹綱維於身二陽足少陽脉也起目外眥
絡頭分四道下缺盆并正別脉六道上下生經營百節

流氣三部此知五藏終始觀其經絡維繫游部之義三

陽為表二陰為裏三陽太陽二陰少陰也少陰與太陽為表裏故曰三陽為表二陰為裏

一陰至絕作朔晦却具合以正其理一陰厥陰也厥陰為左足之厥陰戌為右足之厥陰兩陰俱盡故曰厥陰

夫陰盡為晦陰生為朔厥陰者以陰盡為義也徵其氣

王則朔適言其氣盡則晦既見其朔又當其晦故曰一陰至絕作朔晦也然徵彼俱盡之陰合此發生之木以一

正應五行之理而無替循環故云却具合以正其理也

新校正云按注言陰盡為晦陰生為朔疑是陽生為朔
雷公曰受業未能明言未明氣帝曰所謂三陽者太

陽為經陽氣盛大三陽脉至手太陰弦浮而不沈決以

度察以心合之陰陽之論

太陰為寸口也寸口者手太陰脈氣之所行故脈皆至

於寸口也太陽之脈洪大以長今弦浮不沈則當約以四時高下之度而斷決之察以五藏異同之候而參合

之以應陰陽之所謂二陽者陽明也

靈樞經曰辰為左足之陽明巳為右

足之陽明兩陽合明故曰二陽者陽明也

至手太陰弦而沈急不鼓是至以

病皆死

鼓謂鼓動是熱也陽明之脈浮大而短今沈而弦急不鼓者是陰氣勝陽木來乘土也然陰氣

勝陽木來乘土而反熱病至者是陽氣之衰敗也猶燈之焰欲滅反明故皆死也

一陽者少陽

也陽氣未大故曰少陽

至手太陰上連人迎弦急懸不絕此少陽

之病也

人迎謂結喉兩傍同身寸之一寸五分脈動應手者也弦為少陽之脈今急懸不絕是經氣不

足故曰少陽之病也。懸專陰則死。專獨也。言其獨有陰者。謂如懸物之動搖也。死氣而無陽氣則死。

三陰者六經之所主也。三陰者太陰也。言所以諸脉皆至手太陰者何耶。以是六經之

主故也。六經謂三陰三陽之經脉也。所以至手太陰者何。以肺朝百脉之氣。皆文會於氣口也。故下文曰交

於太陰

也。此正發明肺朝百脉之義。伏鼓不浮。上空志心

脉伏鼓擊而不浮者。是心氣不足。故上控引於心。而為病也。志心謂小心也。刺禁論曰七節之傍中有小心

此之謂也。新校正云。按楊上善云。肺脉浮濡。此為平也。今見伏鼓。是腎脉也。足少陰脉貫脊屬腎。上入肺中

從肺出絡心。肺氣下入腎。志上入心。二陰至肺其氣歸神也。王氏謂志心為小心。義未通。

膀胱外連脾胃

者。二陰謂足少陰腎之脉。少陰之脉別行。入跟中。以上至股內。後廉貫脊屬腎。

絡勝肱其直行者從腎上貫肝鬲入肺中一陰獨至經故上至於肺其氣歸於勝肱外連於脾胃

絕氣浮不鼓鈎而滑

若不鼓於手若經不內絕則鈎而滑

善云一陰厥陰也

新校正云按楊上此六脉者乍陰乍陽交屬相并繆

通五藏合於陰陽

或陰見陽脉陽見陰脉故云乍陰乍陽也所以然者以氣交會故爾當審

比類以知陰陽也

先至為主後至為客

脉氣乍陰見陽以先至

為主後至為客也至謂至寸口也

雷公曰臣悉盡意受傳經脉頌得從

容之道以合從容不知陰陽不知雌雄

頌今為誦也公言臣所誦誦今

從容之妙道以合上古從容而比類形名猶不知陰陽尊卑之次不知雌雄殊目之義請言其旨以明著至教

陰陽雌雄相輸應也

帝曰三陽為父

父所以言高尊也

二陽為衛

所衛

以却禦諸邪言扶生也

一陽為紀

紀所以綱紀形氣言其平也

三陰為母

以育

養諸子言滋生也

二陰為雌

雌者陰之目也

一陰為獨使

一陰之藏外合三焦三焦

言謁導諸氣名為使者故云獨使也

二陽一陰陽明主病不勝一陰與而

動九竅皆沈

一陰厥陰肝木氣也二陽陽明胃土氣也木土相持故陽明主病也木伐其土土不

勝木故云不勝一陰脉要而動者要為胃氣動謂木形土木相持則胃氣不轉故九竅沈滯而不通利也三

陽一陰太陽脉勝一陰不能止內亂五藏外為驚駭

三陽

足太陽之氣故曰太陽勝也木生火今盛陽燭木木復受之陽氣洪盛內為狂熱故內亂五藏也肝主驚駭故

外形驚駭之狀也

二陰二陽病在肺少陰脉沈勝肺傷脾外傷

四支

二陰謂手少陰心之脉也二陽亦胃脉也心胃合

脾府心火勝金故兩脾主四支故脾傷則外傷於四支

矣少陰脉謂手掌後同身寸之五分當小指神門之脉

也新校正云詳此二陽乃手陽明大腸肺之府也少

陰心火勝金之府故云病在肺王氏以二陽為胃義未

甚通況又以見胃病腎之說此乃是心病肺也二陰二

又全元起本及甲乙經太素等並云二陰一陽二陰二

陽皆交至病在腎罵詈妄行巔疾為狂

二陰為腎水之

藏也二陽為胃

土之府也土氣刑水故交至而病在二陰一陽病出於

腎也以水腎不勝故胃盛而巔為狂

腎陰氣客遊於心脫下空竅堤閉塞不通四支別離陽

欽定四庫全書

內經素問

五

謂手少陽三焦心主火之府也水上于火故火病出於腎陰氣客遊於心也何者腎之脉從腎上貫肝鬲入肺中其支別者從肺中出絡心注胃中故如是也然空竅陰客上遊胃不能制是土氣衰故腕下空竅皆不通也言堤者謂如堤堰不容泄漏胃脉循足心脉絡手故四支如別離而不用也新校正云按王氏云胃脉循足按此二陰一陽病一陰一陽代絕此陰氣至心上下無出於腎胃當作腎一陰一陽代絕此陰氣至心上下無

常出入不知喉咽乾燥病在土脾

一陰一陽厥陰脉一陽少陽脉並木之氣也代

絕者動而中止也以其代絕故為病也木氣生火故病生而陰氣至心也夫肝膽之氣上至頭首下至腰足中主腹脇故病發上下無常處也若受納不知其味竅窩不知其度而喉咽乾燥者喉嚨之後屬咽為膽之使故病則咽喉乾燥雖病在脾土
二陽三陰至陰皆在陰不之中蓋由肝膽之所為爾

過陽陽氣不能止陰陰陽並絕浮為血瘕沉為膿肘

陽二

陽明三陰手太陰至陰脾也故曰至陰皆在也然陰氣不能過越於陽陽氣不能制心今陰陽相薄故脉並絕斷而不相連續也脉浮為陽氣薄陰故為血瘕脉沈為陰氣薄陽故為膿聚而肘爛也陰陽皆壯

下至陰陽

若陰陽皆壯而相薄不已者漸下至於陰陽之內為大病矣陰陽者男子為陽道女子為

陰器者以其能盛受故而缺也

上合昭昭下合冥冥

昭昭謂陽明之上冥冥謂至陰

之內幽暗之所也

診決死生之期遂合歲首

謂下短雷公曰請期之旨

問短期黃帝不應

欲其復問而寶之也

雷公復問黃帝曰在經論

中

上古經之中也本自雷公已下別為一篇名四時病類

新校正云按全元起

雷公曰請問

短期黃帝曰冬三月之病病合於陽者春正月脉有死

徵皆歸出春

病合於陽謂前陰合陽而為病者也雖正月脉有死徵陽發生至王不死故出春三

夏初也

冬三月之病在理已盡草與柳葉皆殺謂二

氣也然腎病而正月脉有死徵者以枯草盡青柳葉生出而皆死也理裏也已以也古用同

春陰陽

皆絕期在孟春

立春之後而脉陰陽皆懸絕者期死

春

三月之病曰陽殺

陽病不謂傷寒溫熱之病謂非時病熱脉洪盛數也然春三月中陽氣尚

少未當全盛而反病熱脉應夏氣者經云脉不再見夏脉當洪數無陽外應故必死於夏至也以死於夏至陽

氣殺物之時故云陽殺也

陰陽皆絕期在草乾脉若不陽病但陰陽之脉皆懸絕者死在於

霜降草乾之時也 夏三月之病至陰不過十日 謂熱病也脾熱病則五藏危土

成數十故不陰陽交期在瀦水 評熱病論曰溫病而汗出輒復熱而脉燥疾不

為汗衰狂言不能食者病名曰陰陽交六月病暑陰陽復交二氣相持故乃死於立秋之候也 新校正云按

全元起本云瀦水者七月也建中水生於申陰陽逆也楊上善云瀦廉檢反水靜也七月水生時也 秋三

月之病三陽俱起不治自已 秋陽氣衰陰氣漸出陰陽陽不勝陰故自已也

交合者立不能坐坐不能起 以氣不由其正用故爾 三陽獨至期

在石水 有陽無陰故云獨至也著至教論曰三陽獨至者是三陽并至由此則但有陽而無陰也石水

者謂冬月月水冰如石之時故云石水也火墓於戌冬陽氣微故石水而死也 新校正云詳石水之解本全元

起之說王

二陰獨至期在盛水

亦所謂并至而無陽也
盛水謂雨雪皆解為水

之時則止謂正月中氣也

新校

正云按全元起本二陰作三陰

方盛衰論篇八十

新校正云按全元起本在第八卷

雷公請問氣之多少何者為逆何者為從黃帝答曰陽

從左陰從右

陽氣之多少皆從左陰氣之多少皆從右
從者為順反者為逆陰陽應象大論曰左

右者陰陽之道路也

老從上少從下

老者穀衰故從上為順
少者欲甚故從下為順是以

春夏歸陽為生歸秋冬為死

歸秋冬則順殺伐之氣故也
歸反

之則歸秋冬為生

反之謂秋冬則歸陰為生矣

是以氣多少逆皆

為厥

故曰陽氣之多少反從右陰氣之多少反從左是為不順

厥厥謂氣逆故曰皆為厥也

問曰有餘者厥耶

言少之不順者為逆有餘者則成厥逆之

乎答曰一上不下寒厥到膝少者秋冬死老者秋冬生

一經之氣厥逆上而陽氣不下者何以別之寒厥到膝是也四支者諸氣之本當溫而反寒上故曰寒厥也秋

冬謂歸陰歸陰則從右發生其病也少者以陽氣用事故秋冬死老者以陰氣用事故秋冬生

楊上善云虛者逆也陽氣一上於頭不下於足足胫虛故寒厥至膝氣上不下頭痛巔疾

巔謂身之上巔疾則頭首之疾也求陽不得求陰不審五部隔無徵若

居曠野若伏空室繇繇乎屬不滿日

謂之陽乃脉似陰盛謂之陰又脉似

陽盛故曰求陽不得求陰不審也五部謂五藏之部隔謂隔遠無徵無徵猶无可信驗也然求陽不得其熱求陰不審是寒五藏部分又隔遠而无可信驗故曰求陽不得求陰不審五部隔无徵也夫如是者乃從氣久逆所作非由陰陽寒熱之氣所為也若居曠野言心神散越若伏空室謂志意沈潜散越以氣逆而痛甚未止沈潜以痛定而復恐再來也繇繇乎謂動息微也身雖繇繇乎且存然其心所屬望將不得終其盡日也故曰繇繇乎屬不滿日也

新校正云按太素云若伏空室為陰陽之有此五字疑此有脫漏

是以少氣

之厥令人妄夢其極至迷

氣之少有厥逆則令人妄為夢寐其厥之盛極則令人夢

至迷三陽絕三陰微是為少氣

三陽之脉懸絕三陰之診細微是為少氣之候

也
新校正云按太素云至陽絕陰是為少氣是以肺氣虛則使人夢見白物

見人斬血藉藉

白物是象金之色也斬者金之用也藉藉夢死狀也

得其時則夢

見兵戰

得時謂秋三月也金為兵革故夢見兵戰也

腎氣虛則使人夢見舟

船溺人

舟船溺人皆水之用腎家水故夢形之

得其時則夢伏水中若有

畏恐

冬三月也

肝氣虛則夢見菌香生草

菌香生草草木之類也肝合草木故

夢見之全元起本云菌香是桂

新校正云按

得其時則夢伏樹下不敢起

春月心氣虛則夢救火陽物

心合火故夢之陽物亦火之類

得其時則夢

燭灼

夏三月也

脾氣虛則夢飲食不足

脾納水穀故夢飲食不足

得其時

則夢築垣蓋屋

得其時謂辰戌丑未之月各王十八日

築垣蓋屋皆土之用也

此皆五

藏氣虛陽氣有餘陰氣不足府者陽氣藏者陰氣合之五診調之

陰陽以在經脉靈樞經備有調陰陽合五診故引之曰以在經脉也經脉則靈樞之篇目也

診有十度度人脉度藏度肉度筋度俞度度各有其二故二五為十

度陰陽氣盡人病自具理診備蓋陰陽虛盛之脉動無常理則人病自具知之

散陰頗陽脉脫不具診無常行診必上下度民君卿脉動

無常數者是陰散而陽散調理也若脉診脫畧而不具備者無以常行之診也察候之則當度量民及君卿三

者調養之殊異爾何者憂樂苦分不同其秩故也受師不卒使術不明不察逆

從是為妄行持雌失雄棄陰附陽不知并合診故不明

皆謂學傳之後世反論自章章露也以不明而授與人反古之迹自然章露也

至陰虛天氣絕至陽盛地氣不足降至陰虛天氣絕而不降至陽盛地氣微而

不升是所謂不交也陰陽並交至人之所行唯聖人乃能交謂交通也

調理使陰陽並交者陽氣先至陰氣後至陰陽之氣並行而交通於

一處者則當陽氣先至陰氣後至何者陽速而陰遲也

靈樞經曰所謂交通者並行一數也由此則二氣亦交

會於一處也是以聖人持診之道先後陰陽而持之奇恒之

勢乃六十首診合微之事追陰陽之變章五中之情其

中之論取虛實之要定五度之事知此乃足以診奇恒

十首今世不傳是以切陰不得陽診消亡得陽不得陰守學不

湛知左不知右知右不知左知上不知下知先不知後

故治不久知醜知善知病知不病知高知下知坐知起

知行知止用之有紀診道乃具萬世不殆聖人持診之明誠也起

所有餘知所不足

實命全形論曰內外相得無以形先言起已身之有餘則當知病人之不

足度事上下脉事因格而度事上下之宜脉事因是以形也也

弱氣虛死

中外俱不足也

形氣有餘脉氣不足死

藏衰故脉不足也脉

氣有餘形氣不足生

藏盛故脉氣有餘

是以診有大方坐起有

常

坐起有常則息力調適故診之方法必先用之出入有行以轉神明言所以貴坐起

有常者何以出入行運皆神明隨轉也必清必淨上觀下觀司八正邪別

五中部按脉動靜

上觀謂氣色下觀謂形氣也八正謂八節之正候五中謂五藏之部分然

後按寸尺之動靜而定死生矣循尺滑瀦寒溫之意視其大小合之病

能逆從以得復知病名診可十全不失人情故診之或

視息視意故不失條理

數息之法或視喘息也知息合脉病

處必知聖人察候條理斯皆合也

道甚明察故能長久不知此道失經

絕理妄言妄期此謂失道

謂失精微至妙之道也

解精微論篇八十一

新校云按全元起本
在第八十一名方論解

黃帝在明堂雷公請曰臣授業傳之行教以經論從容
形法陰陽刺灸湯藥所滋行治有賢不肖未必能十全

言所自授用可十全然傳所教習未能必
爾也賢謂心明智遠不肖謂擁造不法若先言悲哀

喜怒燥濕寒暑陰陽婦女請問其所以然者卑賤富貴

人之形體所從羣下通使臨事以適道術謹聞命矣

以皆

先聞聖旨猶未究其意端請問有冤愚仆漏之問不在經者欲聞其

狀也言不智狡見頓問多也漏脫漏也謂經有所未解者
也免狡也愚不智見也仆猶頓也猶不漸也新校

正云按金元起本仆作朴帝曰大矣大要之所公請問哭泣而淚不出

者若出而少涕其故何也言何藏之所為而致是乎帝曰在經有也

靈樞經有悲復問不知水所從生涕所從出也復問謂重問也

欲知水涕所生之由也帝曰若問此者無益於治也工之知道

之所生也言涕水者皆道氣之所生問之何也夫心者五藏之專精也任專

也言五藏精氣任心之所使目者其竅也神內守明外鑒故目其竅

也華色者其榮也華色其神明之外飾是以人有德也則氣和於

目有亡憂知於色德者道之用人之生也老子曰道生之德畜之氣者生之生神之舍也天

布德地化氣故人因之以生也氣和則神安神安則外
鑒明矣氣不和則神不守神不守則外榮滅矣故曰人
有德也氣和於目有亡也憂知於是以悲哀則泣下泣
色也新校正云按太素德作得

下水所由生水宗者積水也新校正云按甲乙經水宗作衆精積水者

至陰也至陰者腎之精也宗精之水所以不出者是精
持之也輔之裏之故水不行也夫水之精為志火之精

為神水火相感神志俱悲是以目之水生也目為上液之道故水

火相感神志俱悲水液上行方生於目故諺言曰心悲名曰志悲志與心

精共奏於目也水火相感故曰心悲名曰志悲神是志俱升故志與心神共奔奏於目是以

俱悲則神氣傳於心精上不傳於志而志獨悲故泣出

也泣涕者腦也腦者陰也

五藏別論以腦為地氣所生皆藏於陰而象於地故言腦

按者陰陽上鑠也鑠則消也

新校正云陰作陽

髓者骨之充也

充滿也言髓填於骨充而滿也

故腦滲為涕

鼻竅通腦故腦滲為涕流於鼻中矣

志者骨

之主也是以水流而涕從之者其行類也

類謂同類

夫涕之

與泣者譬如人之兄弟急則俱死生則俱生

同源故生元俱新

校正云按太素生則俱生作出則俱亡

其志以早悲是以涕泣俱出而橫

行也

行恐當作流

夫人涕泣俱出而相從者所屬之類也

所屬

謂於腦也何者上文云涕泣者腦也

雷公曰大矣請問人哭泣而淚不出

者若出而少涕不從之何也

怪其所屬同行出異也

帝曰夫泣不

出者哭不悲也不泣者神不慈也神不慈則志不悲陰

陽相持泣安能獨來

泣不出者謂淚也水之精為志火之精為神水為

陰火為陽故曰陰陽相持安能獨來也

夫志悲者惋惋則冲陰冲陰則志

去目志去則神不守精精神去目涕泣出也

惋謂內爍也冲猶升

也神志相感泣由是生故內爍則陽氣升於陰也陰腦也去目謂陰陽不守目也志去於目故神亦浮游夫志

去目則光無內照神失守則精不外明故曰精神去目涕泣出也

且子獨不誦不念夫

經言乎厥則目無所見夫人厥則陽氣並於上陰氣并

於下

并謂各并於本位也

陽並於上則火獨光也陰並於下則足

寒足寒則脹也夫一水不勝五火故目眚盲

眚視也一水目也五

火

謂五藏之厥陰也校正云按甲乙經無盲字

新

是以衝風泣下而不止夫風

之中目也陽氣內守於精是火氣燔目故見風則泣下

也

風迫陽伏不發故內燔也


有以比之夫火疾風生乃能雨此之類

也

故陽并則火獨光盛於上不明於下是故目者陽之所生系於藏故陰陽和則精明也陽厥則光不上陰

厥則足冷而脹也言一水不可勝五火者是手足之陽為五火下一陰者肝之氣也衝風泣下而不止者言風

之中於目也是陽氣內守於精故陽氣盛而火氣熾於目風與熱交故泣下是故火疾而風生乃能雨以陽火之熱而風生於泣以此譬之類也新校正云按甲乙經無火字太素云天之疾風乃能雨無生字



黃帝內經素問卷二十四

黃帝內經素問卷二十四釋文

陰陽類論

濫音廉

方盛衰論

菌祛倫切

解精微論

免土切

衛湊

麓勾切

黃帝內經素問卷二十四釋文